



70

UNIVERSIDAD AUTÓNOMA DE LEÓN

U

UNIVERSIDAD AUTÓNOMA DE LEÓN

5



MINIMI

BY2 370

.D6

I3

c.1

VOM

107495



1080020540



EX LIBRIS

HEMETHERII VALVERDE TELLEZ

Episcopi Leonensis



Capilla Añonina

Biblioteca Universitaria

John a Calibus
Colección ascética.

N.º 12.º y 1.º LATINO.

PIISSIMA

ERGA

DEI GENTRICEM

DEVOTIO

AD IMPETRANDAM GRATIAM

PRO ARTICULO MORTIS.

Et alie, ut infra videri licet.



44297[®]

VALENCIA:

Imprenta de JAIME MARTINEZ, calle de
la Bolsería. Año 1836.

UNIVERSIDAD DE NUEVO LEÓN

Biblioteca Valverde y Tello

BX 2170

.06

#3

Se hallará este librito juntamente con los demás números y tomitos de la Colección ascética, en Valencia en la librería de Estévan Gil, plaza de S. Bartolomé n.º 4, frente á la iglesia y casa del Real Patrimonio; Madrid en la de Gonzalez, calle del Ato, frente á los Gremios, y en algunas capitales de provincia.

Hay *veinte* duros á peticion del editor 300 réis de indulgencia por cada salmo, himno y oracion que se reze de este librito, *rogando* á Dios nuestro Señor por las necesidades de la Iglesia y del Estado. Precio de este n.º 12.º en Valencia *doce* cuartos á la rústica, y tres reales *en papel.*

FONDO EMETERIO
VALVERDE Y TELLEZ



DE CULTU

B. V. MARIE.

B. VIRGO CUR COLENDAM?

1. *Quia Mater Dei est.* Electa est Maria ab æterno Patre, ut illius esset Filia; expetita á Filio, ut illius esset Mater; exquisita á Spiritu Sancto, ut illius esset Sponsa sicut ergo major gratia excogitari nequit, quam esse Filiam æterni Patris, Matrem Filii, Sponsam Spiritus Sancti; ita nulla creatura majori digna est honore, quam Maria; siquidem ipsa est, qua majorem facere Deus non potest, majorem facere mundum posset, majorem Matrem; quam Matrem Dei facere non potest. *S. Bona-*

501195

BX 2170

• 06

#3

Se hallará este librito juntamente con los demás números y tomitos de la Colección ascética, en Valencia en la librería de Estévan Gil, plaza de S. Bartolomé n.º 4 frente á la iglesia y casa del Real Patrimonio, Madrid en la de Gonzalez, calle del Atocha frente á los Gremios, y en algunas capitales de provincia.

Hay *cuarenta* dudos á peticion del editor 300 réis de indulgencia por cada salmo, himno y oracion que se reze de este librito, *concedida* á Dios nuestro Señor por las *mercedes* de la Iglesia y del Estado. Precio de este n.º 12.º en Valencia *doce* cuartos de la rústica, y tres reales *de papel.*

FONDO EMETERIO
VALVERDE Y TELLEZ



DE CULTU

B. V. MARIE.

B. VIRGO CUR COLENDAM?

1. *Quia Mater Dei est.* Electa est Maria ab æterno Patre, ut illius esset Filia; expetita á Filio, ut illius esset Mater; exquisita á Spiritu Sancto, ut illius esset Sponsa sicut ergo major gratia excogitari nequit, quam esse Filiam æterni Patris, Matrem Filii, Sponsam Spiritus Sancti; ita nulla creatura majori digna est honore, quam Maria; siquidem ipsa est, qua majorem facere Deus non potest, majorem facere mundum posset, majorem Matrem; quam Matrem Dei facere non potest. *S. Bona-*

501195

vent. vide jam, quanto honore digna sit Maria.

2. Quia *Mater nostra est*, dixit enim Christus in cruce pendens ad Joannem, qui universi humani generis vices gerebat: *ecce Mater tua!* nemo ergo negabit, matrem nostram esse Mariam; cum et ipsa sub cruce nos genuit: si ergo, qui honorat patrem suum et matrem suam, longævus erit super terram, ut ait Dominus; quid non obtinebis tu, qui honoras Mariam, quæ et Mater tua et Mater Dei est?

3. Quia *Advocata nostra est*, habet homo mediatorem causæ suæ, filium ante Patrem, et ante filium Matrem; Christus Patri ostendit latus et vulnera; Maria Christo pectus et ubera: nec potest ullo modo esse repulsa, ubi concurrunt, et orant omni lingua disertius hæc clementiæ monu-

menta, et charitatis insignia. *S. Arnold.*

4. Quia *est Domina et Regina nostra*, ita probat *S. Rupertus*: prædicabitur de te, quod sis Mater Christi, et proinde Regina cælorum, quia totum jure possides filii regnum. Si ergo aulici suam adeò honorant Reginam: quanto magis honorare debes Mariam, Reginam cæli et terræ?

5. Quia *Christus sibi reputat exhibitum honorem*, quemcumque exhibueris suæ Matri; ita patet ex verbis Christi: quamdiu, ait, uni ex minimis meis fecistis, mihi fecistis. *Matth. 25.* quanto magis sibi reputabit præstitutum honorem, quem præstas suæ Matri?

6. Quia *Adjutrix nostræ redemptionis est*, præclare ad rem ait *S. Anton.* sicut Christus nos genuit verbò veritatis ad esse spi-

rituale, in cruce patiendo; ita B. Virgo nos genuit et peperit in maximis doloribus, filio compatiendo; cum ergo amor non nisi comensetur amore; facile colligere potes, quantum amoris et honoris debeas Mariæ.

7. Quia *potest juvare*, sicut á Patre, filio; ita á filio, Matri data est omnis potestas in cælo, et in terra; qui ergo non poterit juvare? si olim Salomon ad Bethsabeam dixit: pete Mater mea, neque enim fas est, ut avertam faciem tuam. 3. *Reg.* 2. quanto magis id dicet Christus ad Matrem suam, quid enim negabit Christus Matrisuæ, cui debet, quod sit homo? sicut Christus accepit ab illa esse naturale, id est humanam naturam; ita vult nos accipere ab illa esse supernaturale, id est, gratiam Divinam, ita testatur ipsa Mater Dei; qui me invenerit, inve-

niet vitam et salutem á Domino. *Prov.* 8. Pulsate ergo, et aperietur vobis sinus maternæ pietatis.

8. Quia *vult juvare*, nam adeo pietate replentur ubera tua, O Virgo, ut alicujus miseriam notitia tacta, lac fundant misericordiam, nec possis miserias scire, et non subvenire. *Richard. de S. Vict.* sicut mater non obliviscitur fructum uteri; ita nec Maria oblivisci potest eorum, quos sub cruce spiritaliter genuit; siquidem hos filios plus diligit, quam si in corporali gestasset utero, unde merito exclamat B. Eutychianus quis unquam, O Beata, fideliter omnipotentem tuam rogavit opem, et fuit derelictus? revera nullus unquam.

9. Quia *scit juvare*, nam ipsa omnia observat, omnia contuetur, et inspectio illius ad omnes se exporrigit. *S. German.* nescit

quidem homo, quid oret, et quomodo oret, sed ipsa, quid, et quomodo petendum sit, novit. *S. Anselm.* quia teste *S. Petro Damian.* per ipsam, cum ipsa, et in ipsa totum hoc faciendum decernitur, ut, sicut sine ipso factum est nihil, ita sine illa nihil refectum sit.

10. Quia devotio erga *B. Virginem* est, testimonium æternæ prædestinationis; nam tota salus generis humani, teste Cassiano, consistit in multitudine gratiæ et favoris Mariæ. Sicut ergo omnis, ó Beatissima, á te aversus, et á te despectus, necesse est, ut intereat; ita omnis ad te conversus, et á te respectus, impossibile est, ut pereat. *S. Anselm.* jam sic concludo: devotio ad *B. Virginem* est signum electionis, ergo cultum ejus negligere est signum reprobationis, quicumque igitur vult

salvus esse, ut erga Beatissimam Virginem sit devotus; necessarium est. *S. Bonavent.*

QUOMODO B. VIRGO COLENDATA?

Cultus Marianus consistit præcipuè 1.º in magna æstimatione, de illa concepta. 2.º in filiali fiducia. 3.º in studiosa imitatione. 4.º in constanti veneratione. 5.º in cultus mariani propagatione, unde merito sequentia consulo.

1.º Maximam post Deum æstimationem de *B. Virgine* concipe; est enim Mater Dei, qua majorem facere Deus non potest. *S. Bonavent.* infirmitas filii esset fecisse matrem, qua perfectior dari posset. *S. Thom.*

2.º In Matrem elige, juxta monitum Christi: ecce Mater tua;

semperque filialem fiduciam erga eam fovere stude: si non laeditur, qui stat ad latus imperatricis, quanto minus, qui semper per fiduciam adhæret Mariæ, Reginae cœli terræque. Si Mater Dei pro nobis, quis contra nos?

3.^o Stude, quantum potes, B. Virginem in virtutibus imitari, scire aves, in quibus? audi S. Bonaventuram; si perfectè Matrem Dei colere desideretis, ipsius mansuetudinem, humilitatem, corporis et animi puritatem imitemini: neque enim unquam sine Beata Virginitate imitatione, ad sinceram ipsius devotionem poteritis pervenire.

4.^o Ejus cultum, ubicumque potes, promove, sive per conciones publicas, sive per exhortationes privatas, sive per librorum descriptiones &c. pro præmio habebis vitam æternam: qui me (*Ma-*

riam) elucidant, vitam æternam habebunt, *Eccli.* 24.

5.^o Ejus festa singulari devotione observa, novaque quotidianis adde obsequia.

6.^o Ad quemlibet horæ sonitum consuesce cum S. Angelo salutare Mariam: libenter nos salutet Maria cum gratia, si libenter eam salutamus cum Ave Maria. *S. Bonavent.*

7.^o Singulis diebus sabbathi, B. Virgini maxime dicatis, ad noctem jejunare non omitte.

8.^o Quotidie Rosarium, sequentem piissimam vel saltem officium Immaculatae Conceptionis hic possum, aut alias orationes in ipsius honorem compositas, devotè recita non redibis ab ea vacuus, quæ gratiæ plena est.

9.^o Nunquam aggredere negotium, nisi invocata priùs Maria, in periculis, in angustiis, in

rebus dubiis Mariam cogita, Mariam invoca; non recedat ob ore, non recedat á corde. *S. Bern.* Si Maria non invocata, juvat, quanto magis invocata?

10. Ecclesias vel sacella, Deo sub titulo B. Virginis consecrata, quotidie, si potes, frequenta, quid dulcius, quam cum Maria, Matre dilectionis, conversari?

PIISSIMA

Erga Dei Genitricem devotio ad impetrandam gratiam pro articulo mortis.

Ex Seraphico Doctore Divo Bonaventura deprompta.

—○○○○—

AVE MARIA.

†. Illumina oculos meos, ne unquam obdormiam in morte.

℞. Ne quando dicat inimicus meus: prævalui adversus eum.

Deus in adjutorium meum intende.

Domine ad adjuvandum me festina. Gloria Patri, et Filio, et Spiritui Sancto. Sicut erat, &c.

HYMNUS.

Memento rerum Conditor,
 Nostri quod olim corporis
 Sacrata ab alvo Virginis
 Nascendo formam sumpseris.

Maria Mater gratiæ,
 Dulcis Parens clementiæ,
 Tu nos ab hoste protege,
 Et mortis hora suscipe.

Jesu, tibi sit gloria
 Qui natus es de Virgine,
 Cum Patre, et almo Spiritu
 In sempiterna sæcula. Amen.

*Postea dicuntur sequentes
 Psalmi cum suis Antiphonis, pro
 diversitate dierum, prout hic as-
 signantur.*

*Psalmi desumpti sunt ex Divo
 Bonaventura in opusculo de Psal-
 terio Beatæ Virginis, et Orationes
 ex eodem opusculo de Compas-
 sione Beatæ Virginis.*

DIE DOMINICA.

Antiph. Conforta Virgo.

Psalm 1.

Beatus vir qui diligit nomen
 tuum, Maria Virgo: gratia tua ani-
 mam ejus confortavit.

Tamquam lignum aquarum fon-
 tibus irrigatur: uberrimos fructus
 justitiæ propagabit.

Benedicta tu inter mulieres:
 propter humilitatem, et creduli-
 tatem sancti cordis tui.

Universas enim fœminas vincis
 pulchritudine carnis: superas An-
 gelos, et Archangelos excellentia
 sanctitatis.

Misericordia tua, et gratia ubi-
 que prædicatur: Deus operibus
 manuum tuarum benedixit.

Gloria Patri, et Filio, etc.

*Antiph. Conforta, Virgo Ma-
 ria, animam ejus, qui invocat no-
 men tuum, quia misericordia tua,
 et gratia ubiquè prædicatur.*

Antiph. Protegat nos dextera tua, etc.

Psalm .2.

Quare fremuerunt inimici nostri: et adversum nos meditati sunt inania?

Protegat nos dextera tua, Mater Dei; ut acies terribilis confundens, ac destruens eos.

Venite ad eam omnes, qui laboratis, et tribulati estis: et refrigerium dabit animabus vestris.

Accedite ad eam in tentationibus vestris: et stabiliet vos serenitas vultus eius.

Benedicite illam in toto corde vestro: misericordia enim illius plena est terra.

Gloria Patri, et Filio, etc.

Antiph. Protegat nos dextera tua, Mater Dei; et da refrigerium, et solatium animabus nostris.

Antiph. Deduc me.

Psalm. 3.
Domina, quid multiplicati sunt, qui tribulant me? In potestate tua persequeris, et dissipabis eos.

Dissolve colligationes impietatis nostræ: tolle fasciculum peccatorum nostrorum.

Miserere mei Domina, et sana infirmitatem meam: tolle dolorem, et angustiam cordis mei.

Ne tradas me in manibus inimicorum meorum: et in die mortis meae conforta animam meam.

Deduc me ad portum salutis: et spiritum meum redde Factori, et Creatori meo.

Gloria Patri, et Filio, etc.

Antiph. Deduc me, Domina, ad portum salutis, et in die mortis meæ conforta animam meam.

Antiph. Ne projicias.

Psalm. 19.
Exaudi nos, Domina, in die tribulationis: et precibus nostris

converte clementem faciem tuam.

Ne projicias nos in tempore mortis nostræ: sed succurre animæ cum deseruerit corpus suum.

Mitte Angelum in occursum ejus: per quem à malignis hostibus defendatur.

Ostende ei serenissimum judicem sæculorum: qui ob tui gratiam veniam ei largiatur.

Sentiam in pœnis refrigerium tuum, et concede ei locum inter electos Dei.

Gloria Patri, et Filio, etc.

Antiph. Ne projicias nos, Domina, in tempore mortis nostræ: sed succurre animæ, cum deseruerit corpus suum.

Antiph. Esto Domina.

Psalm. 24.

Ad te, Domina, levavi animam meam: in judicio Dei, tuis precibus non erubescam.

Neque illudant mihi adversarii

mei: etenim præsumentes de te roborantur.

Non prævaleant adversum me laquei mortis: et castra malignantium non impediunt gressus meos.

Collide impetum eorum virtute tua: et cum mansuetudine occurre animæ meæ.

Ductrix mea esto ad patriam: et me cœtui Angelorum digneris aggregare.

Gloria Patri, et Filio, etc.

Antiph. Esto, Domina, ductrix mea ad patriam, et in die mortis meæ occurre cum mansuetudine animæ meæ.

PRECES.

—y—. Maria Mater gratiæ, Mater misericordiæ.

ñ. Tu nos ab hoste protege, et hora mortis suscipe.

—y—. Illumina oculos meos, ne

umquam obdormiam in morte.

℞. Ne quando dicat inimicus meus: prævalui adversus eum.

ÿ. Salva me ex ore leonis.

℞. Et de manu canis unquam meam.

ÿ. Salvum me fac in tua misericordia.

℞. Domina, non confundar, quoniam invocavi te.

ÿ. Ora pro nobis peccatoribus.

℞. Nunc, et in hora mortis nostræ. Amen.

ÿ. Domina, exaudi orationem meam.

℞. Et clamor meus ad te veniat.

OREMUS.

Propter terrores illius commotionis, qua cor tuum contremuit, Virgo Beatissima, quando audisti Filium tuum dilectissimum ab impiis captam, ligatum, et ad sup-

plicia tractum, et traditum: adjuva nos, ut cor nostrum nunc pro delictis nostris terreatur, et moveatur ad pœnitentiam, ne mortis in hora ad occursum adversarii paveat, aut ad aspectum tremendi Judicis accusante conscientia contremiscat, sed potiùs faciem suam videns, in júbilo delectetur, ineffabilitèrque letetur; præstante eodem Domino nostro Jesu Christo Filio tuo, qui cum Patre, et Spiritu Sancto vivit, et regnat in sæcula sæculorum.

℞. Amen.

ÿ. Ora pro nobis Sancta Dei Genitrix.

℞. Ut digni efficiamur promissionibus Christi.

ÿ. Requiescamus in pace.

℞. Amen.

CANTICUM

*Sancti Bonaventuræ ad Beatam
Virginem.*

Te Matrem Dei laudamus: te
Mariam Virginem profitemur.

Te Eterni Patris Sponsam om-
nis terra veneratur.

Tibi omnes Angeli, et Archan-
geli: tibi Throni, et Principatus
fideliter deserviunt.

Tibi omnes Potestates, et om-
nes Virtutes Cælorum: et uni-
versæ Dominationes obediunt.

Tibi omnes Chori: tibi Cheru-
bim, et Seraphim exultantes as-
sistunt.

Tibi omnes Angelicæ creaturæ:
incessabili voce proclamant.

Sancta, Sancta, Sancta Maria:
Dei Genitrix, Mater, et Virgo.

Pleni sunt Cæli, et terra: ma-
jestatis gloriæ fructus ventris tui.

Te gloriosus Apostolorum Cho-
rus: sui Creatoris Matrem collau-
dat.

Te Beatorum Martyrum cœtus
candidatus: Christi Genitricem
glorificat.

Te gloriosus Confessorum exer-
citus: Trinitatis Templum appe-
llat.

Te Sanctarum Virginum cho-
rea amabilis: virginitatis, et hu-
militatis exemplum prædicat.

Te tota Cœlestis Curia: Regi-
nam honorat.

Te per universum Orbem: Ec-
clesia invocando concelebrat.

Matrem: Divinæ Majestatis.

Venerandam te veram Regis
Cœlestis puerperam: sanctam
quoque, dulcem, et piam.

Tu Angelorum Domina: tu Pa-
radisi janua.

Tu scala Regni Cœlestis: et
Gloriæ.

Tu Thalamus : tu arca pietatis
et gratiæ.

Tu vena misericordiæ: tu Spon-
sa, et Mater Regis æterni.

Tu Templum, et Sacrarium
Spiritus Sancti: totius Beatissimæ
Trinitatis nobile triclinium.

Tu Mediatrix Dei, et homi-
num: amatrix mortalium, Cœles-
tis illuminatrix.

Tu agonizatrix pugnantium,
advocata pauperum: miseratrix,
et refugium peccatorum.

Tu erogatrix munerum: sepa-
ratrix, ac terror dæmonum, et
superborum.

Tu mundi Domina, Cœli Re-
gina; post Deum sola spes no-
stra.

Tu salus te invocantium, por-
tus naufragantium: miserorum so-
latium pereuntium refugium.

Tu Mater omnium beatorum,
gaudium plenum post Deum: om-

nium supernorum Civium sola-
tium.

Tu promotrix justorum, con-
gregatrix errantium: promissio
Patriarcharum.

Tu veritas Prophetarum, præ-
conium, et doctrix Apostolorum:
Magistra Evangelistarum.

Tu fortitudo Martyrum, exem-
plar Confessorum: honor, et fes-
tivitàs Virginum.

Tu ad liberandam exulem ho-
minem: Filium Dei suscepisti in-
uterum.

Per te, expugnato hoste anti-
quo, sunt aperta fidelibus Regna
Cœlorum.

Tu cum Filio tuo: sedes ad dex-
teram Patris.

Tu ipsum pro nobis roga, Vir-
go Maria: quem nos ad judican-
dum credimus esse venturum.

Te ergo poscimus, nobis tuis fa-
mulis subveni: qui pretioso sau-

guine Filii tui redempti sumus.

Æterna fac, pia Virgo Maria: cum Sanctis tuis nos in gloria numerari.

Salvum fac populum tuum, Domina: ut simus participes hæreditatis Filii tui.

Et rege nos: et custodi nos in æternum.

Per singulos dies: ò Domina Maria, te salutamus.

Et laudare te cupimus: usque in æternum mente, et voce.

Dignare, dulcis Maria, nunc, et semper: nos sine delicto conservare.

Miserere pia nobis: miserere nobis.

Fiat misericordia tua magna nobiscum: quia in te Virgo Maria confidimus.

In te, dulcis Maria, speramus nos defendas in æternum.

Te decet laus, te decet impe-

rium: tibi virtus et gloria in sæcula sæculorum. Amen.

AD LAUDES.

Deus in adiutorium meum intende, etc.

Gloria Patri, etc.

Aña. Adjuva, Domina.

Psalm. 92.

Dominus regnavit, decorum induit: Matremque suam ornamento decoravit virtutum.

Adimpleat propitiationem suam in nobis Mater pacis: et viam æquitatis doceat servos suos.

Qui desideratis sapientiam Christi: servite Matri ejus animo reverenti.

Quis sufficiet enarrare opera tua, Domina? aut quis investigabit thesauros misericordie tue?

Sustine, et adjuva deficientes in tentationibus suis: destina illos

in sortem veritatis. Gloria Patri,
et Filio, etc.

Aña. Adjuva, Domina, periclitantes in tentationibus, ne cadant: destina illos in sortem veritatis.

Aña. Respice, Virgo.

Psalm. 65.

Jubilate Domine nostræ omnis terra, psallite hymnum nomini ejus: date honorificentiam majestati ejus.

Benedictum sit cor tuum, Domina: quo sinceriter, et ardentè tuum, ac Dei Filium dilexisti.

Respice paupertatem meam, gloriosa Virgo: miseriam, et angustiam meam ne tardes auferre.

Aufer quoque tribulationem meam: dulcifica languorem meum.

Benedicat te omnis caro: et glorificet te omnis lingua.

Gloria Patri, et Filio, etc.

Antiph. Respice paupertatem meam, gloriosa Virgo: miseriam et angustiam meam ne tardes auferre.

Antiph. Custodi.

Psalm. 62.

Deus, Deus meus: pro Matre tua te glorifico.

Virginaliter te concepit: et sine angustia te parturivit.

Benedicta sis, ò Domina nostra: et pro nobis assiste ante Thronum Dei.

Species, et claritas in conspectu tuo: misericordia, et charitas in animo tuo.

Custodi animam meam, Virgo benigna: ut numquam corruat in peccatum. Gloria Patri, etc.

Antiph. Custodi animam meam, Virgo benigna: ut numquam corruat in peccatum.

Antiph. Benedicamus.

CANTICUM

- Instar illius trium puerorum.

Daniel. 3.

Benedicite omnia opera Dominae gloriosae: laudate, et superexaltate eam in saecula.

Benedicite Angeli Dominae nostrae: benedicite Coeli Dominae nostrae.

Benedicat omnis creatura Dominam nostram: quam Rex sic voluit benedici.

Benedicta sis, o summi Regis filia: quae odore praesit cuncta lilia.

Benedicta sis, corona Dominarum omnium: benedicta sis, gloria Jerusalem.

Odor tuos sicut agri pleni, cui benedixit Dominus: qui in benedicentes te redundat, irrigans omnia intima eorum.

Qui benedixerit tibi, o Virgo beata: sit ille juxtè benedictus.

Qui maledixerit tibi, rosa candidissima: sit ille maledictus.

Non recedat de domo servorum tuorum: vini, et olei abundantia.

In nomine tuo omne genuflectatur: Coelestium, terrestrium, et infernorum.

Benedicamus Deum, qui te creavit: benedictus uterque parens, qui te generavit.

Benedicta sis, Domina, in Coelo, et in terra: laudabilis, et gloriosa, et superexaltata in saecula.

Gloria Patri, et Filio, etc.

Antiph. Benedicamus Deum, qui creavit Mariam: benedicamus Mariam, quae genuit Deum, et hominem.

Antiph. Omnis spiritus.

Psalms. 148.

Laudate Dominam de Coelis: glorificate eam in excelsis.

Laudate eam omnes homines,
et iumenta: volucres Cœli, et
pisces maris.

Laudate eam Sol, et Luna: Ste-
llæ, et circuli Planetarum.

Laudate eam Cherubim, et Se-
raphim: Throni, Dominationes,
et Potestates.

Laudate eam omnes legiones
Angelorum: laudate eam omnes
ordines Spirituum supernorum.

Gloria Patri, et Filio, etc.

Antiph. Omnis spiritus laudet
Mariam Dominam nostram.

Ad Beatissimam Virginem

Mariam.

ORATIO.

Mater Dei,

Memor esto mei.

Advocata peccatorum,

Audi preces famulorum:

Regina Cœlorum,

Regna in cordibus eorum.

Inclyta Mater,

Inclina tuas aures.

Alma, quæ tuos beas,

Audi preces meas.

Domina Beatissima,

Semperque amantissima,

Omniumque gratissima.

Pulchra, et Immaculata,

Super æthera exaltata:

Audi amantem,

Exaudi clamantem,

Adjuva suspirantem.

Clamat ad te peccator,

Suspirat precator;

Nunc vivens,

Jam moriens.

In lacrymabili via,

Adjuva, fove, refove,

O Clemens, ó pia,

O dulcis Virgo Maria. Amen.

PRO DOMINICA.

Ad Beatam Virginem Mariam,

ex Divo Augustino deprompta.

Memorare, ó piissima Virgo

Maria, non esse auditum á sæculo, quemquam ad tua currentem præsidia, tua implorantem suffragia, esse derelictum. Ego tali animatus confidentia, ad te, Virgo Virginum Mater, curro, ad te venio, coram te gemens, precator assisto: noli, Mater Verbi, verba mea despiciere; sed audi propitia, et exaudi. Amen.

PRO FERIA II.

*Sancti Patris Francisci in
Opuscul.*

ORATIO.

Absolvat, quæso, Domine, mentem meam ab omnibus, quæ sub Cælo sunt, ignita, et melliflua vis amoris tui: ut amore amoris tui moriar, quia amore amoris mei dignatus es mori. Per te ipsum Dei Filium, qui cum Patre, &c.

PRO FERIA III.

*Sancti Patris Francisci in
Officio Passionis.*

ORATIO.

Sancta Maria Virgo, non est tibi similis nata in mundo in mulieribus, Filia, et Ancilla altissimi Regis, Patris Cœlestis, Mater Sanctissima Domini nostri Jesu-Christi, Spousa Spiritus Sancti: ora pro nobis cum Sancto Michaële Archangelo, omnibus Virtutibus Cœlorum, et omnibus Sanctis, tum sanctissimum Filium dilectissimum Dominum nostrum, et Magistrum. Amen.

PRO FERIA IV.

*Seraphici Doctoris S. Bonavent.
in Psalterio B. Virginis*

ORATIO.

Omnipotens sempiternæ Deus, qui pro nobis de castissima Virgine Maria nasci dignatus es; fac

nos tibi casto corpore servire, et humili mente placere. Qui vivis, et regnas, etc.

PRO FERIA V.

Ejusdem S. Doctoris eodem loco
ORATIO.

Oramus etiam te, piissima Virgo Maria, mundi Regina, et Angelorum Domina, ut eis, quos in Purgatorio ignis examinat, impetres refrigerium, peccatoribus indulgentiam, et justis perseverantiam in bono: nos quoque fragiles ad omnibus instantibus defende periculis. Per Dominum nostrum, etc.

PRO FERIA VI.

Ex Devotionario Beatæ Virginis Mariæ

ORATIO.

O Domina mea Sancta Maria, me in tuam benedictam fidem, ac

singularem custodiam, et in signum misericordiæ tuæ hodie, et quotidie, et in hora exitus mei animam meam, et corpus meum tibi commendo, omnem spem meam, et consolationem meam, omnes angustias, et misérias meas, vitam, et finem vitæ meæ tibi committo: ut per tuam sanctissimam intercessionem, et per tua merita, omnia mea dirigantur, et disponantur opera secundum tuam tuique Filii voluntatem.

PRO SABBATO.

Ex eodem officio.

ORATIO.

O Maria, Dei Genitrix, et Virgo gratiosa, omnium desolatorum ad te clamantium consolatrix vera! per illud magnum gaudium, quo consolata es, quando cogno-

visti Dominum Jesum die tertia à mortuis impassibilem resurrexisse, sis consolatrix animæ meæ, et apud eundem tuum, et Dei natum Unigenitum, in die novissimo, quando cum anima, et corpore ero resurrecturus, et de singulis meis factis rationem redditurus, me digneris juvari, ut perpetuæ damnationis sententiam per te, pia Mater, et Virgo valeam evadere, et cum electis Dei omnibus ad æterna gaudia feliciter pervenire. Amen.

FERIA SECUNDA.

AVE MARIA.

Ÿ. Illumina oculos meos, ne umquam obdormiam in morte.

℞. Ne quando dicat inimicus meus: prævalui adversum eum.

Deus in adiutorium meum intende.

Domine ad adjuvandum me festina. Gloria Patri, etc.

HYMNUS.

Memento rerum Conditor,
Nostri quod olim corporis
Sacrata ab alvo Virginis
Nascendo formam sumpseris.

Maria Mater gratiæ,
Dulcis Parens clementiæ,
Tu nos ab hoste protege,
Et mortis hora suscipe.

Jesu, tibi sit gloria,
Qui natus es de Virgine,
Cum Patre, et almo Spiritu,
In sempiterna sæcula. Amen.

Antiph. In manus tuas.

Psalm. 30.

In te, Domina, speravi, non confundar in æternum: in gratia tua suscipe me.

Inclina ad me aurem tuam: et in mœrore meo lætifica me.

Tu es fortitudo mea, et refu-

gium meum: consolatio mea, et protectio mea.

Ad te, Domina, clamavi, dum tribnaretur cor meum: et exaudivisti me de vertice collium æternorum.

Educas me de laqueo, quem absconderunt mihi: quoniam tu es adjutrix mea.

In manus tuas, Domina, commendo spiritum meum: totam vitam meam, et diem meum novissimum.

Gloria Patri, et Filio, etc.

Antiph. In manus tuas, Domina, commendo spiritum meum: totam vitam meam, et diem meum novissimum.

Antiph. Miserere mei, etc.

Psalm. 38.

Dixi: Custodiam vias meas, ó Regina Coeli: cum per te Christi gratia fuit mihi data.

Dulcore tuo liquefactum est cor

meum; amore tuo inflammata sunt viscera mea.

Exaudi orationem meam, Domina, et deprecationem meam: ut contabescant adversarii mei.

Miserere mei de Cœlis, et de altitudine throni tui: et ne permittas me in valle miseriæ conturbari.

Custodi pedem meum, ne labatur, et corruat; et in fine meo sit præsens gratia tua.

Gloria Patri, et Filio, etc.

Antiph. Miserere mei de Cœlis, Domina, et in fine meo sit præsens gratia tua.

Antiph. Sanctæ preces.

Psalm. 42.

Judica me, Domina, et discerne causam meam de gente per-versa: à serpente maligno, et dracone pestifero libera me.

Sancta fœcunditas tua disper-

dat eum: Beata Virginitas tua conterat caput ejus.

Sanctæ preces tuæ corroborent nos contra eum: Sancta merita tua exinaniant, virtutem ejus.

Persecutorem animæ meæ mitte in abysum: puteus infernalis deglutiat enim viventem.

Ego autem, et anima mea in terra captivitatis meæ: benedicam nomen tuum, et glorificabo te in sæcula sæculorum.

Gloria Patri, et Filio, etc.

Añã. Sanctæ preces tuæ, Domina, corroborent me contra persecutorem animæ meæ; et in die mortis meæ à serpente maligno libera me.

Antiph. Ego autem, Domina.
Psalm. 54.

Exaudi, Domina, orationem meam: et ne contempnas deprecationem meam.

Contristatus sum in cogitatione

mea: quia judicia Dei perterruerunt me.

Tenebræ mortis venerunt super me: et pavor inferni horribiliter invasit in me.

Ego autem in solitudine expecto consolationem tuam: et in cubili meo attendo misericordiam tuam.

Glorifica manum, et dexterum brachium tuum: ut prosternantur à nobis inimici nostri.

Gloria Patri, et Filio, etc.

Antiph. Ego autem, Domina, attendo in cubili meo misericordiam tuam: quia tenebræ mortis venerunt super me.

Antiph. Impetra nobis.

Psalm. 63.

Exaudi, Domina, orationem meam cum deprecor: à pavore crudelis inimici libera animam meam.

Impetra nobis servulis tuis pa-

cem, et securitatem: in tremendo
iudicio.

Benedicta tu super omnes mu-
lieres: et benedictus fructus virgi-
nalis ventris tui.

Illumina, Domina, oculos meos:
et illustra cæcitatem meam.

Da mihi in te confidentiam bon-
nam: in vita, et in interitu meo.

Gloria Patri, et Filio, etc.

Antiph. Impetra nobis, Domi-
na, pacem, et salutem in die no-
vissimo: et da mihi confidentiam
bonam in te, in vita, et in interi-
tu meo.

PRECES.

ÿ. Maria Mater gratiæ, Mater
misericordiæ.

℞. Tu nos ab hoste protege, et
hora mortis suscipe.

ÿ. Illumina oculos meos: ne
umquam obdormiam in morte.

℞. Ne quando dicat inimicus
meus: prævalui adversus eum.

ÿ. Salva ex ore leonis.

℞. Et de manu canis unicam
meam.

ÿ. Salvum me fac in tua mi-
sericordia.

℞. Domina, non confundar,
quoniam invocavi te.

ÿ. Ora pro nobis peccatoribus.

℞. Nunc, et in hora mortis no-
stræ. Amen.

ÿ. Domina, exaudi orationem
meam.

℞. Et clamor meus ad te veniat.

OREMUS.

Propter gemitus, et lacrymas,
quibus afficiebaris, Virgo dulcis-
sima, quando vidisti Filium tuum
dulcissimum iudicio præsentari,
acriter flagellari, variis illusioni-
bus, et opprobriis affici: impetra
nobis dolorem pro peccatis nos-
tris, et lacrymas salutiferæ contri-
tionis: et adjuva nos, ne nobis

possit inimicus illudere, neque diversis, pro libito suo, tentationibus flagellare, devictosque statuere terribili Judici, sed magis ipsi accusemus, et iudicemus nosmetipsos de excessibus nostris, et veræ poenitentiae disciplinis flagellemus, ut veniam, et gratiam in tempore necessitatis, tribulationis, et angustiae inveniamus; præstante eodem Domino nostro Jesu-Christo Filio tuo. Amen.

ŷ. Ora pro nobis Sancta Dei Genitrix.

ŕ. Ut digni efficiamur promissionibus Christi.

ŷ. Requiescamus in pace.

ŕ. Amen.
Te Matrem, et reliqua, ut in Dominica, pag. 30.

FERIA TERTIA.

AVE MARIA.

ŷ. Illumina oculos meos, ne umquam obdormiam in morte.

ŕ. Ne quando dicat inimicus meus: prævalui adversus eum.

Deus in adiutorium meum intende.

Domine ad adjuvandum me festina. Gloria Patri, &c.

HYMNUS.

Memento rerum Conditor,
Nostri quod olim corporis
Sacrata ab alvo Virginis
Nascendo formam sumpseris.

Maria Mater gratiæ,
Dulcis Parens clementiæ,
Tu nos ab hoste protege,
Et mortis hora suscipe.

Jesu, tibi sit gloria

Qui natus es de Virgine,
Cum Patre, et almo Spiritu
In sempiterna sæcula. Amen.

Antiph. Protegat me.

Psalm. 66.

Deus misereatur nostri, et benedicat nobis: per illam, quæ eum genuit.

Miserere nostri, Domina, et ora pro nobis: in sanctam lætitiã converte mœstitiam nostram.

Illumina me, stella maris: clarifica me, Virgo clarissima.

Extingue ardorem noxium cordis mei: refrigera me gratia tua.

Protegat me semper dextera tua: præsentia tua illustret finem meum.

Gloria Patri, et Filio, etc.

Aña. Protegat me, Domina, gratia tua semper: et præsentia tua illustret finem meum.

Aña. Assiste, Domina.

Psalm. 72.

Quam bonus Israel Deus: iis, qui dilectam Matrem suam colunt, et venerantur!

Ipsa enim est solatium vitæ nostræ: in laboribus subventio opportuna.

Obtexit caligine hostis animam meam: in visceribus meis, Domina, fac oriri lumen.

Avertatur à me ira Dei per te: placa eum meritis, et precibus tuis.

In iudicio Dei pro me assiste coram eo: suscipe causam meam, et mea sis advocata.

Gloria Patri, et Filio, etc.

Aña. Assiste, Domina, pro me in iudicio coram Deo: esto advocata mea, et suscipe causam meam.

Aña. Erige, Domina.

Psalm. 76.

Voce mea ad Dominam clama-

vi: et solita sua dulcedine intendit mihi.

Abstulit à corde meo mœstiam, et mœrorem: et suavitate sua cor meum dulcoravit.

Formidinem meam erexit in confidentiam bonam: et suo aspectu mellifluo, mentem meam serenavit.

Adjutorio sancto suo evasit pericula mortis: et de manu ferocis, et crudelis subterfugi.

Gratias Deo, et tibi Mater pia: de omnibus, quæ assecutus sum pietate, et misericordia tua.

Gloria Patri, et Filio, etc.

Añã. Erige, Domina, formidinem meam in confidentiam bonam: et fac ut adjutorio sancto tuo evadam pericula mortis.

Añã. Expergiscere.

Psalm. 79.

Qui regis Israel, intende ad me:

fac me dignè Matrem tuam colaudare.

Expergiscere de pulvere, anima mea: perge in occursum Reginae Cœli.

Solve vincula colli tui, paupercula anima mea: et gloriosis laudibus accipe illam.

Odor vitæ de illa progreditur: et omnis salus de corde illius scaturizat.

Charismatum suorum fragrantia suavi: animæ mortuæ susciuntur.

Gloria Patri, et Filio, etc.

Añã. Expergiscere de pulvere, anima mea: perge in occursum Reginae Cœli.

Añã. Ne derelinquas.

Psalm. 83.

Quam dilecta tabernacula tua, Domina virtutum: quam amabilia tentoria requietionis tuæ!

Honorate illam peccatores: et

impetrabit vobis salutem, et pacem.

Super thus, et balsamum orationis ejus incensum: preces ejus non revertentur vacuæ, nec inanes.

Intercede pro me, Domina, apud Christum Filium tuum: et ne derelinquas me in vita, neque in morte.

Benignus est enim spiritus tuus: et gratia tua replet orbem terrarum.

Gloria Patri, et Filio, etc.

Añã. Ne derelinquas me, Domina in vita, neque in morte; sed intercede pro me apud Christum Filium tuum.

PRECES.

ÿ. Maria Mater gratiæ, Mater misericordiæ.

ñ. Tu nos ab hoste protege, et mortis hora suscipe.

ÿ. Illumina oculos meos, ne umquam obdormiam in morte.

ñ. Ne quando dicat inimicus meus: prævalui adversum eum.

ÿ. Salva me ex ore leonis.

ñ. Et de manu canis unicam meam.

ÿ. Salyum me fac in tua misericordia.

ñ. Domina, non confundar, quoniam invocavi te.

ÿ. Ora pro nobis peccatoribus.

ñ. Nunc, et in hora mortis nostræ. Amen.

ÿ. Domine exaudi orationem meam.

ñ. Et clamor meus ad te veniat.

OREMUS.

Propter angustias, et cruciatus, quos cor tuum sustinuit, Virgo beatissima, quando audisti, Filium tuum diletissimum adjudicatum morti, et crucis supplicio:

succurre nobis tempore infirmitatis nostræ, quando corpus nostrum dolore infirmitatis cruciabitur: et spiritus noster hinc propter insidias dæmonum, illinc propter terrorem districti iudicis angustabitur: subveni, inquam, nobis, Domina, tunc, ne damnationis æternæ contra nos proferatur sententia, aut ne flammis gehennalibus tradamur æternaliter cruciandi; præstante eodem Domino nostro Jesu-Christo, qui cum Patre, et Spiritu Sancto vivit, et regnat in sæcula sæculorum. Amen.

ÿ. Ora pro nobis Sancta Dei Genitrix.

R. Ut digni efficiamur promissionibus Christi.

ÿ. Requiescamus in pace.

R. Amen.

Te Matrem Dei laudamus, et reliqua, ut in Dominica, pag. 30.

FERIA QUARTA.

AVE MARIA.

ÿ. Illumina oculos meos, ne nunquam obdormiam in morte.

R. Ne quando dicat inimicus meus: prævalui adversus eum.

Deus in adiutorium meum intende.

Domine ad adjuvandum me festina. Gloria Patri, etc.

HYMNUS.

Memento rerum Conditor,

Nostri quod olim corporis

Sacrata ab alvo Virginis,

Nascendo formam sumpseris.

Maria Mater gratiæ

Dulcis Parens clementiæ,

Tu nos ab hoste protege,

Et mortis hora suscipe.

Jesu, tibi sit gloria,

Qui natus es de Virgine,

Cum Patre, et almo Spiritu
In sempiterna sæcula. Amen.

Antiph. Fac, Domina.

Psalm. 86.

Fundamenta vitæ in anima iusti: perseverare in charitate tuâ usque in finem.

Misericordia tua relevat pauperem in adversitate: et invocatio tui nominis immittit ei confidentiam bonam.

Miserationibus tuis repletur Paradisus; et à terrore tuo hostis confunditur infernalis.

Qui sperat in te, inveniet thesauros pacis: et qui te in hac vita non invocat, non perveniet ad regnum Dei.

Fac, Domina, ut vivamus in gratia Spiritus Sancti: et perduc animas nostras ad beatum finem.

Gloria Patri, et Filio, etc.

Antiph. Fac, Domina, ut vivamus in gratia Spiritus Sancti,

et perduc animas nostras ad sanctum finem.

Antiph. Gratosus vultus.

Psalm. 88.

Misericordias tuas, Domina: in æternum cantabo.

Unguento pietatis tuæ medere contritis corde: et oleo misericordiæ tuæ refove dolores nostros.

Gratosus vultus tuus mihi appareat in extremis: formositas faciei tuæ lætificet egredientem spiritum meum.

Excita spiritum meum ad amandum bonitatem tuam: excita mentem meam ad extollendam nobilitatem et pretiositatem tuam.

Libera me ab omni tribulatione mala: et ab omni peccato custodi animam meam.

Gloria Patri, et Filio, etc.

Antiph. Gratosus vultus tuus mihi appareat in extremis: formositas faciei tuæ lætificet egre-

dientem spiritum meum.

Antiph. Qui speravit.

Psalm. 90.

Qui habitat in adiutorio Matris
Dei: in protectione ipsius commo-
rabitur.

Concursus hostium non noce-
bit ei: et sagitta volans non tan-
get eum.

Quoniam liberabit eam de la-
queo insidiantis: sub pennis ejus
proteget eum.

Clamate ad illam in periculis
vestris: et flagellum non appro-
pinquabit tabernaculo vestro.

Fructus gratiæ inveniet, qui
speraverit in illa: porta Paradisi
reaserabitur ei.

Gloria Patri, et Filio, etc.

Antiph. Qui speraverit in te,
Domina, inveniet fructus gratiæ,
et porta Paradisi reaserabitur ei.

Antiph. Suscipe.

Psalm. 94.

Venite, exultemus Dominae
nostræ: jubilemus Mariæ Reginae
nostræ.

Præoccupemus faciem ejus in
jubilatione: et in canticis lætitiæ
collaudemus eam.

Venite adoremus, et procida-
mus ante eam: confiteamur illi
cum fletibus peccata nostra.

Impetra nobis, Domina, indul-
gentiam plenam: assiste pro nobis
ante tribunal Dei.

Suscipe in fine animas nostras,
et introduc nos in requiem æter-
nam.

Gloria Patri, et Filio, etc.

Antiph. i. Suscipe, Domina, in
fine animas nostras, et introduc
nos in requiem æternam.

Antiph. Succurre.

Psalm. 99.

Jubilate Dominae nostræ, omnes
homines terræ: servite illi in læ-

titia, et iucunditate.

In toto animo vestro accedite ad illam : et in omni virtute vestra conservate vias ejus.

Investigate illam, et manifestabit se vobis : estote mundi corde, et apprehendetis eam.

Quibus auxiliata fueris, Domina, erit refrigerium pacis : et à quibus averteris vultum tuum, non erit eis spes ad salutem.

Recordare nostri, Domina, et non apprehendent nos mala; succurre nobis in fine, et inveniemus vitam æternam.

Gloria Patri, et Filio, etc.

Antiph. Succurre nobis, Domina, in fine; et non apprehendent nos mala, et inveniemus vitam æternam.

PRECES.

Ÿ. Maria Mater gratiæ, Mater misericordiæ.

℞. Tu nos ab hoste protege,

et hora mortis suscipe.

Ÿ. Illumina oculos meos, ne unquam obdormiam in morte.

℞. Ne quando dicat inimicus meus : prævalui adversus eum.

Ÿ. Salva ex ore leonis.

℞. Et de manu canis unicam meam.

Ÿ. Salvum me fac in tua misericordia.

℞. Domina, non confundar, quoniam invocavi te.

Ÿ. Ora pro nobis peccatoribus.

℞. Nunc, et in hora mortis nostræ. Amen.

Ÿ. Domina, exaudi orationem meam.

℞. Et clamor meus ad te veniat.

OREMUS.

Propter doloris gladium, qui pertransivit animam tuam, Virgo dulcissima, quando Filium tuum dilectissimum cernebas nudum in

cruce levatum, clavis perforatum,
ac per omnia laceratum plagis, ac
verberibus, necnon, et vulneri-
bus; adjuva nos, ut et cor nos-
trum nunc compassionis, et com-
punctionis gladius perfodiat, Di-
vinique amoris lancea vulneret; ita
ut omnis peccati sanguis effluat à
pectore nostro, et à noxiis vitiis
emundemur, virtutum indumen-
tis decoremur, semperque men-
te, ac corpore de hac valle mise-
riæ levemur ad cœlestia, quo
tandem cum promissus dies adve-
nerit, pervenire spiritu, et cor-
pore mereamur; præstante eodem
Domino nostro Jesu-Christo Filio
tuo, qui cum Patre, etc.

R. Amen.

ÿ. Ora pro nobis, Sancta Dei
Genitrix.

R. Ut digni efficiamur promi-
sionibus Christi.

ÿ. Requiescamus in pace.

R. Amen.

Te Matrem Dei laudamus, et re-
liqua, ut in Dominica, pag. 30.

FERIA QUINTA.

AVE MARIA.

ÿ. Illumina oculos meos, ne
umquam obdormiam in morte.

R. Ne quando dicat inimicus
meus, prævalui adversus eum.

Deus in adjutorium meum in-
tende.

Domine ad adjuvandum me
festina. Gloria Patri, etc.

HYMNUS.

Memento rerum Conditor,
Nostri quod olim corporis
Sacrata ab alvo Virginis,
Nascendo formam sumpseris. ®

Maria Mater gratiæ
Dulcis Parens clementiæ,
Tu nos ab hoste protege,

Et mortis hora suscipe.

Jesu, tibi sit gloria,
Qui natus es de Virgine,
Cum Patre, et almo Spiritu
In sempiterna sæcula. Amen.

Antiph. Conforta, Domina.

Psalm. 100.

Misericordiam, et judicium cantabo tibi, Domina: psallam tibi in exultatione cordis, cum lætificaberis animam meam.

Laudabo nomen tuum, et gloriam tuam; et præstabis refrigerium animæ meæ.

Zelatus sum amorem, et honorem tuum: ideò defendas causam meam ante judicem sæculorum.

Allectus sum gratia, et bonitate tua: oro ne frauder à spe, et confidentia bona.

Conforta animam meam in novissimis meis: et in carne ista fac me conspiciere Salvatorem.

Gloria Patri, et Filio, etc.

Antiph. Conforta Domina, animam meam in novissimis: et defende causam meam ante judicem sæculorum.

Antiph. Da, Domina.

Psalm. 103.

Benedic, anima mea Virgini Mariæ: honor, et magnificentia eius in perpetuum.

Formositatem, et pulchritudinem induisti, ò dulcis Maria: amicta es fulgenti, ac splendenti vestimento.

De te procedit peccatorum medela: pacis disciplina, ac fervor charitatis.

Imple nos servos tuos virtutibus sanctis: et ira Dei non appropinquet nobis.

Da bravium victoriæ sperantibus in te: et noli eos oblivisci in certamine mortis.

Gloria Patri, et Filio, etc.

Antiph. Da, Domina, servi-

toribus tuis jucunditatem æternam: et noli eos oblivisci in certamine mortis.

Antiph. Non expavescent.

Psalm. 110.

Confitebor tibi, Domina, in toto corde meo: glorificabo te in tota mente mea.

Opera gratiæ tuæ commemorabuntur: et testamentum misericordiæ tuæ ante thronum Dei.

Per te missa est redemptio à Deo: ideò populus pœnitens habebit spem salutis.

Intellectus bonus omnibus honorantibus te: et sors illorum erit inter Angelos pacis.

Gloriosum, et admirabile est nomen tuum: qui illud in corde retinent non expavescent in puncto mortis.

Gloria Patri, et Filio, etc.

Antiph. Non expavescent, Domina: in puncto mortis, qui in-

vocant nomen tuum: et sors illorum erit inter Angelos pacis.

Antiph. In exitu.

Psalm. 113.

In exitu animæ meæ de hoc mundo: occurre illi, Domina, et suscipe illam.

Consolare eam vultu sancto tuo; aspectus dæmonis non conturbet eam.

Esto illi scala ad regnum Cælorum; et inter rectum ad Paradisum Dei.

Impetra ei Mater indulgentiam pacis: et sedem lucis inter servulos tuos.

Sustine devotos tuos ante tribunal Christi: suscipe causam illorum in manibus tuis.

Gloria Patri, et Filio, etc.

Antiph. In exitu animæ meæ de hoc mundo: occurre illi, Domina, et suscipe eam.

Antiph. Circumdederunt.

Psalm. 114.

Dillexi Matrem Domini Dei
mei: et lux miserationum ejus in-
fulsit mihi.

Circumdederrunt me dolores
mortis: sed visitatio Mariæ latifi-
cavit me.

Dolorem, et periculum incur-
ri; et recreatus sum gratia illius.

Nomen ejus, et memoria illius
sit in medio cordis nostri: et nobis
non nocebit ictus malignantis.

Convertere, anima mea, in lau-
dem ipsius: et refrigerium inveni-
nis in novissimis tuis.

Gloria Patri, et Filio, etc.

Antiph. Circumdederrunt me
dolores mortis: et visitatio Mariæ
latificavit me.

PRECES.

Ÿ. Maria Mater gratiæ, Ma-
ter misericordiæ.

℞. Tu nos ab hoste protege,

et hora mortis suscipe.

Ÿ. Illumina oculos meos, ne
umquam obdormiam in morte.

℞. Ne quando dicat inimicus
meus: prævalui adversus eum.

Ÿ. Salva me ex ore leonis.

℞. Et de manu canis unicam
meam.

Ÿ. Salvum me fac in tua mise-
ricordia.

℞. Domina, non confundar,
quoniam invocavi te.

Ÿ. Ora pro nobis peccatoribus.

℞. Nunc, et in hora mortis
nostræ. Amen.

Ÿ. Domina, exaudi orationem
meam.

℞. Et clamor meus ad te ve-
niat.

OREMUS.

Propter gravamen, et tormen-
tum, quo torquebatur spiritus
tuus, Virgo Sanctissima, quando
juxta Crucem Filium tuum præ

doloribus voce magna clamantem,
 te Matrem dilectam Joanni com-
 mendantem in manusque Dei Pa-
 tris spiritum tradentem attende-
 bas: succurre nobis in fine vitæ
 nostræ, et maximè tunc, quan-
 do lingua nostra nequiverit se ad
 te invocandum movere, cum ocu-
 li nostri lumine privabuntur, au-
 res surdescent, et obturabuntur,
 omnesque vires sensuum nostro-
 rum delicient: memento, piissima
 Domina, tunc, quod nunc fundi-
 mus preces ad aures tuæ pietatis,
 et clementiæ; et subveni nobis in
 illa hora extremæ necessitatis, ac
 Filio tuo dilectissimo commenda
 spiritum nostrum, per quem tuo
 interventu, à tormentis, et ter-
 roribus omnibus eruamur, et ad
 desideratam Cœlesti Patria re-
 quietem perducamur; præstante
 eodem Domino nostro Jesu-Christo
 Filio tuo, qui cum Patre, et

Spiritu Sancto vivit, et regnat in
 sæcula, etc.

ÿ. Ora pro nobis Sancta Dei
 Genitrix.

ñ. Ut digni efficiamur promissio-
 nibus Christi.

ÿ. Requiescamus in pace.

ñ. Amen.

Te Matrem, et reliqua, ut in
Dominica, pag. 30.

FERIA SEXTA.

AVE MARIA.

ÿ. Illumina oculos meos, ne
 umquam obdormiam in morte.

ñ. Ne quando dicat inimicus
 meus: prævalui adversus eum.

Deus in adjutorium meum in-
 tende.

Domine ad adjuvandum me fes-
 tina. Gloria Patri, etc.

HYMNUS.

Memento rerum Conditor,

Nostri quod olim corporis
 Sacrata ab alvo Virginis
 Nascendo formam sumpseris.

Maria Mater gratiæ,
 Dulcis Parens clementiæ,
 Tu nos ab hoste protege,
 Et mortis hora suscipe.

Jesu, tibi sit gloria,
 Qui natus es de Virgine,
 Cum Patre, et almo Spiritu
 In sempiterna sæcula. Amen.

Antiph. In die mortis.

Psalm. 119.

Ad Dominam Mariam cum tri-
 bularer, clamavi: et exaudivit me.

Domina, libera nos ab omni
 malo: cunctis diebus vitæ nostræ.

Contere caput draconis inimi-
 ci nostri: pede insuperabilis vir-
 tutis tuæ.

Quemadmodum exultavit spi-
 ritus tuus in Deo salutari tuo: sic
 veram digneris infundere lætiti-
 am cordi meo.

Ad Dominum accede rogatura
 pro nobis: ut per te nostra pec-
 cata deleantur.

Gloria Patri, et Filio, etc.

Antiph. In die mortis nostræ
 infunde nobis, Domina veram læ-
 titiam, sicut exultavit spiritus
 tuus in Deo salutari tuo.

Antiph. Impetra nobis.

Psalm. 121.

Lætatus sum in te, Regina Cœ-
 li: quia te duce, in domum Do-
 mini ibimus.

Hierusalem Cœlestis Civitas: ad
 te, Maria conducente, devenia-
 mus.

Pacem, et indulgentiam, Vir-
 go, nobis impetra: et palmam de
 hostibus, ac triumphum.

Conforta, et consolare cor nos-
 trum: tuæ dulcedine pietatis.

Sic, Domina, tuam in nobis in-
 funde clementiam: ut devotè in
 Domino moriamur.

Gloria Patri, et Filio, etc.

Antiph. Impetra nobis, Domina, pacem et indulgentiam, ut devotè in Domino moriamur.

Antiph. Releva.

Psalm. 124.

Qui confidunt in te, Mater Dei: non timebunt à facie inimici.

Gaudete, et exultate omnes, qui diligistis Mariam: quæ adjuvabit vos in die tribulationis vestræ.

Reminiscere miserationum tuarum Domina: et releva peregrinationem incolatus nostri.

Converte amabilem vultum tuum super nos: confunde, et destrue omnes inimicos nostros.

Benedicta sint omnia opera manuum tuarum, Domina: benedicta sint omnia sancta miracula tua.

Gloria Patri, et Filio, etc.

Antiph. Releva, Domina, pe-

reginationem incolatus nostri: et adjuva nos in die tribulationis.

Antiph. Fac Domina.

Psalm 128.

Sæpè expugnaverunt me à juventute mea inimici mei: libera me, Domina, et vindica me ab ipsis.

Ne des illis potestatem in animam meam: custodi omnia interiora, et exteriora mea.

Obtine nobis veniam peccatorum: et per te Sancti Spiritus gratia nobis detur.

Fac nos dignè, et laudabiliter pœnitere: ut beato fine ad Deum veniamus.

Placatum tunc, ac serenissimum nobis ostende: gloriosum fructum ventris tui.

Gloria Patri, et Filio, etc.

Antiph. Fac, Domina, ut beato fine ad eum veniamus, et ostende nobis tunc placatum glorio-

sum fructum ventris tui.

Antiph. Deduc me.

Psalm. 129.

De profundis clamavi ad te Domina: Domina, exaudi vocem meam.

Fiant aures tuæ intendentem: in vocem laudis, et glorificationis tuæ.

Libera me de manu adversariorum meorum: confunde, et dissipa ingenia conatus eorum contra me.

Erue me in die mala: et in die mortis ne obliviscaris animæ meæ.

Deduc me ad portum salutis: et inter justos scribatur nomen meum.

Gloria Patri, et Filio, etc.

Antiph. Deduc me, Domina, ad portum salutis: et in die mortis ne obliviscaris animæ meæ.

PRECES.

Ÿ. Maria Mater gratiæ, Mater misericordiæ

ŕ. Tu nos ab hoste protege, et hora mortis suscipe.

Ÿ. Illumina oculos meos, ne unquam obdormiam in morte.

ŕ. Ne quando dicat inimicus meus: prævalui adversus eum.

Ÿ. Salva me ex ore leonis.

ŕ. Et de manu canis unquam meam.

Ÿ. Salvum me fac in tua misericordia.

ŕ. Domina, non confundar, quoniam invocavi te.

Ÿ. Ora pro nobis peccatoribus.

ŕ. Nunc, et in hora mortis nostræ. Amen.

Ÿ. Domina, exaudi orationem meam.

ŕ. Et clamor meus ad te veniat.

OREMUS.

Propter planctum acerbi ejula-

tus, quem profundo pectoris fonte manente abscondere non valebas, Virgo castissima, quando, ut piè creditur, in amplexus ruebas examini corporis Filii tui de Cruce depositi, cujus genas ante nitentes, et ora rutilantia, mortis conspiciebas perfundi palloribus; ipsamque totum concassum cernebas libidum livoribus, ac concisum vulnere super vulnus: auxiliare nobis, ut nunc sic nostra plangamus facinora, et emplastris poenitentiae peccatorum curemus vulnera, ut dum corpus nostrum morte deformetur, nostra tunc rutillet anima candore innocentiae: quatenus digni simus frai mellifluis osculis, constringamurque amorosis amplexibus super omnia dulcissimi Filii tui Domini nostri Jesu-Christi, qui cum Patre, et Spiritu Sancto vivit, et regnat in saecula saeculorum. *℞.* Amen.

℥. Ora pro nobis Sancta Dei Genitrix.

℞. Ut digni efficiamur promissionibus Christi.

℥. Requiescamus in pace.

℞. Amen.

Te Matrem Dei laudamus, et reliqua, ut in Dominica, p. 30.

SABBATO.

AVE MARIA.

℥. Illumina oculos meos, ne unquam obdormiam in morte.

℞. Ne quando dicat inimicus meus: praevalui adversus eum.

Deus in adjutorium meum intende.

Domine ad adjuvandum me festina. Gloria Patri, etc.

HYMNUS.

Memento rerum Conditor,
Nostri quod olim corporis
Sacrata ab alvo Virginis
Nascendo formam sumpseris.

Maria Mater gratiæ,
Dulcis Parens clementiæ,
Tu nos ab hoste protege,
Et mortis hora suscipe.

Jesu tibi sit gloria,
Qui natus es de Virgine,
Cum Patre, et almo Spiritu
In sempiterna sæcula. Amen.

Antiph. Conforta nos.

Psalm. 130.

Domina, non est exaltatum cor
meum: neque sublimati sunt ocu-
li mei.

Benedixit te Dominus in virtu-
te sua: qui per te ad nihilum re-
degit inimicos nostros.

Benedictus sit, qui te à pecca-
to præservavit: et mundam de ma-
tris utero te produxit.

Benedictussit, qui te obumbra-
vit: et sua gratia te sæcundavit.

Benedic nos, Domina, et con-
forta nos in gratia tua: ut per te

ante conspectum Domini præsen-
temur.

Gloria Patri, et Filio, etc.

Antiph. Conforta nos Domi-
na, in die mortis: ut per te ante
conspectum Domini præsentemur.

Antiph. Respiremus.

Psalm. 134.

Laudate nomen Domini: bene-
dicite nomen Mariæ Matris ejus.

Mariæ precamina frequenter;
et suscitabit in vobis voluptates
sempiternas.

In anima contrita veniamus ad
illam: et non prævalebit adver-
sum nos cupiditas peccati.

Qui cogitat de illa in tranquil-
litate mentis: invenit dulcorem,
et requiem pacis.

Respiremus ad illam in fini ac-
tione nostra: et reserabit nobis
atria triumphantium.

Gloria Patri, et Filio, etc.

Antiph. Respiremus ad Mariam

in die mortis nostræ: et reseravit nobis atria triumphantium.

Antiph. In quacumque.

Psalm. 137.

Confitebor tibi, Domina, in toto corde meo: quia per te expertus sum clementiam Jesu-Christi.

Audi, Domina, verba mea, et preces meas: et in conspectu Angelorum cantabo tibi laudes.

In quacumque die invocavero te, exaudi me: et multiplica virtutem in anima mea.

Confiteantur tibi omnes Tribus, et linguæ; quia per te salus restituta est nobis.

Ab omni perturbatione libera servos tuos: et fac eos vivere sub pace, et protectione tua.

Gloria Patri, et Filio, etc.

Antiph. In quacumque die invocavero te, Domina, exaudi me, et multiplica virtutem in anima mea.

Antiph. Hostis meus.

Psalm. 141.

Voce mea ad Dominam clavi: ipsamque humiliter deprecatus sum.

Effudi in conspectu ejus lacrymas meas: & dolorem meum sibi exposui.

Insidiatur hostis calcaneo meo: extendit contra me rete suum.

Adjuva me, Domina, ne corruam coram eo: fac ut conteratur sub pedibus meis.

Educ de carcere animam meam: ut constiteatur tibi, & psallat Domino Deo forti in perpetuum.

Gloria Patri, et Filio, etc.

Antiph. Hostis meus insidiatur calcaneo meo: adjuva me, Domina, ne corruam coram eo.

Antiph. Cum exierit.

Psalm. 145.

Lauda anima mea Dominam:

glorificabo eam quamdiu vixero.

Nolite cessare, à laudibus ejus:
& per singula momenta recogitate
illam.

Cum exierit spiritus meus, Do-
mina sit tibi commendatus: & in
terra ignota præsta illi ducatum.

Non conturbent eum culpæ
prius commissæ: nec inquietent
ipsum occursus malignantis.

Perduc eum ad portum saluta-
rem: ubi præstoletur securè ad-
ventum Redemptoris.

Gloria Patri, et Filio, etc.

Antiph. Cum exierit, Domina,
spiritus meus: sit tibi commenda-
tus: & in terra ignota præsta illi
ducatum.

PRECES.

ÿ. Maria Mater gratiæ, Mater
misericordiæ.

℞. Tu nos ab hoste protege,
& mortis hora suscipe.

ÿ. Illumina oculos meos, ne

umquam obdormiam in morte.

℞. Ne quando dicat inimicus
meus: prævalui adversum eum.

ÿ. Salva me ex ore leonis.

℞. Et de manu canis unicum
meam.

ÿ. Salvum me fac in tua mi-
sericordia.

℞. Domina, non confundar,
quoniam invocavi te.

ÿ. Ora pro nobis peccatoribus.

℞. Nunc, & in hora mortis
nostræ. Amen.

ÿ. Domine exaudi orationem
meam.

℞. Et clamor meus ad te ve-
niat.

OREMUS.

Propter insultus, & suspiria,
indicibiliaque lamenta, quibus
affligebantur intima tua, Virgo
gloriosissima, quando Filium
tuum Unigenitum animæ tuæ so-
latium tibi sublatum, & sepultum

videbas: ad nos exules filios Evæ ad te clamantes, & suspirantes in hac valle lacrymarum illos tuos misericordes oculos converte: & Jesum benedictum fructum ventris tui nobis post hoc exilium ostende, tuisque suffragantibus meritis Ecclesiasticis fac Sacramentis muniri, & sine beato consummari æterno Judici tandem misericorditè præsentari. Præstante eodem Domino nostro Jesu Christo Filio tuo, qui cum Patre, & Spiritu Sancto vivit, & regnat in sæcula sæculorum.

R. Amen.

ÿ. Ora pro nobis Sancta Dei Genitrix.

R. Ut digni efficiamur promissionibus Christi.

ÿ. Requiescamus in pace.

R. Amen.

Te Matrem, & *reliqua, ut in Dominica, pag. 30.*

Invitatio Beatæ Maricæ Virginis ad sui obitum.

Sacratissima Virgo Maria, in illo amore, & fidelitate, qua Filius tuus in Cruce pendens te Beato Joanni commendavit, commendo tibi animam, & corpus meum, cogitationes, verba, et opera mea, vitam, & mortem meam; maximè autem illud extremum vitæ meæ momentum, à quo pendet æternitas. Et sicut tu ad beatum tuum transitum Filium tuum invitasti, ita & ego ad transitum meum te invito, rogans per amorem illum, quo Filio tuo morienti astitisti, perque amaras lacrymas, quas fudisti, quando eum inclinato capite amarissimè expirantem vidisti, ut et mihi materna benignitate tua assistere, & nequaquam emanere velis, quia sine te nequaquam piè mori me posse confido.

Ne deneges mihi, ó Mater benignissima, petitionem hanc meam, quam ad te devotissimo corde depono, quia si sine te moriar, non immerito vereor, ne æternaliter peream. Quomodo enim ego pauperculus, & fragilis nimis in tam multiplicibus, gravissimisque hostium insultibus subsistam, nisi mihi adfoeris? Quomodo in destrectissimo illo judicio divino comparebo, nisi te mihi comitem, & advocatam exhibueris? Quomodo de peccatis meis innumeris, & omnem enormitatem superantibus orationem reddam, nisi tu illa apud Filium tuum excuses, eorumque mihi veniam impetres? Inclina igitur aurem tuam precibus meis, ó Beatissima, & ob amorem dilectissimi Filii tui in extremis meis mihi assiste, ut sub tua protectione gravissimis illis periculis erutus ad cœlestia gaudia

tecum pervenire valeam. Amen.

O Felix Maria! Tu Mater Dei, tu Mater rei, tu Mater Judicis, tu Mater exulis: cum sis Mater utriusque filii, ne sinas filium reum damnari per Filium Deum: sed Materna pietate procura, ut filius reus reconcilietur Filio, qui est Deus: & per filium Judicem recipere filium exulem in Patriam, O Felix Maria! Amen.

Has Quator Sacras Litteras

I. N. R. I.

Pollice in fronte scribe, simul, & nomina significata dic: quæ plurimum valent contra subitanam, & improvisam mortem.

Teste S. Edmundo.

Jesus Nazarenus Rex Judæorum: Hic titulus triumphalis *JESU CHRISTI* Salyatoris mei, præ-

servet me à subitanea, improvisa,
& mala morte. Amen.

Beate Metildis tria Ave pro felice fine vitæ.

AVE MARIA, &c.

Usque ad illa verba.

Sancta Maria Mater Dei. Sicut Deus Pater secundum magnificentiam omnipotentiae suae te super omnes creaturas exaltavit, atque potentissimam effecit: Ita mihi quæso adsis in hora mortis meae, expellendo à me omnem contrariam potestatem.

Ora pro nobis peccatoribus, nunc, et in hora mortis nostrae. Amen.

AVE MARIA, &c.

Sancta Maria Mater Dei: Sicut Filius Dei secundum excellentiam inscrutabilis sapientiae tuæ, tanta te

cognitione, et claritate replevit, quod præ omnibus Sanctis majorem Sanctissimæ Trinitatis cognitionem habeas: Ita in hora mortis meae animam meam cognitione fidei sic illustres: ne ullo errore, vel ignorantia pervertatur.

Ora pro nobis peccatoribus, nunc, et in hora mortis nostrae. Amen.

AVE MARIA, &c.

Sancta Maria Mater Dei: Sicut Spiritus Sanctus dulcedinem amoris sui ita plenè tibi infudit, quod post Deum dulcissima, et benignissima sis; ita in hora mortis dulcedinem amoris divini mihi infundas ex quo mihi omnis amaritudo reddatur suavissima.

Ora pro nobis, &c.

DEO GRATIAS.

OFFICIA BREVISSIMA.

OFFICIUM

IMMACULATAE CONCEPTIONIS

B. V. MARIAE.

AD MATUTINUM.

Eja mea labia nunc annunciate
 Laudes & præconia Virginis beatæ.

Ÿ. Domina in adjutorium
 meum intende.

℞. Me de manu hostium po-
 tenter defende. Gloria Patri, &c.

HYMNUS.

Salve mundi Domina,

Cælorum Regina,

Salve Virgo Virginum:

Stella matutina,

Salve plena gratiæ,

Clara lux divina,
 Mundi in auxilium
 Domina festina.

Ab æterno Dominum

Te præordinavit,

Matrem Unigeniti

Verbi, quo creavit

Terram, pontum, æthera

Te pulchram ornavit

Sibi sponsam, in qua

Adam non peccavit.

Ÿ. Elegit eam Deus, & præ-
 legit eam.

℞. In tabernaculo suo habitare
 fecit eam.

Ÿ. Domina protege orationem
 meam.

℞. Et clamor meus ad te ve-
 niat.

OREMUS.

Sancta Maria Regina cælorum,
 Mater Domini nostri Jesu Christi,
 & mundi Domina, quæ nullum
 derelinquis & nullum despicias:

respice me, Domina, clementer
 oculo pietatis, & impetra mihi apud
 tuum dilectum Filium cunctorum
 veniam peccatorum, ut qui nunc
 tuam sanctam & IMMACULATAM
 Conceptionem devoto affectu re-
 colo, æternæ in futurum beatitu-
 dinis brævium capiam, ipso quem
 Virgo peperisti, donante Domino
 nostro Jesu Christo, qui cum Pa-
 tre & sancto Spiritu vivit & regnat
 in Trinitate perfectà Deus, in sæ-
 cula sæculorum. *ñ.* Amen.

☩. Domina protege orationem
 meam.

ñ. Et clamor meus ad te ve-
 niat.

☩. Benedicamus Domino.

ñ. Deo gratias.

☩. Fidelium animæ per mise-
 ricordiam, &c.

AD PRIMAM.

☩. Domina in adjutorium meum

intende. *ñ.* Me de manu hostium
 potenter defende. Gloria Patri, &c.

HYMNUS.

Salve Virgo sapiens,
 Domus Deo dicata,
 Columna septemplici,
 Mensaque exornata:
 Ab omni contagio
 Mundi præservata,
 Antè sancta in utero
 Parentis quàm nata.

Tu mater viventium,
 Et porta es Sanctorum:
 Nova stella ex Jacob,
 Domina Angelorum,
 Zabulo terribilis,
 Acies castrorum,
 Portus & refugium,
 Sis Christianorum. Amen.

☩. Ipse creavit illam in Spiritu
 sancto. *ñ.* Et effudit super illam
 omnia opera sua.

☩. Domina protege orationem

meam. *ñ.* Et clamor meus ad te
veniat.

Oremus. Sancta Maria, &c pag. 93.

☩. Domina protege orationem,
&c.

☩. Benedicamus Domino.

ñ. Deo gratias.

☩. Fidelium animæ, &c.

AD TERTIAM.

☩. Domina in adiutorium meum
intende. *ñ.* Me de manu hostium
potenter defende. Gloria Patri, &c.

HYMNUS.

Salve Arca foederis;
Thronus Salomonis;
Arcus pulcher æteris,
Rubus visionis,

Virga frondens germinis,
Vellus Gedeonis
Porta clausa Numinis
Favusque Samsonis.

Decebat tam nobilem
Natum præcavere
Ab originali

Labe matris Evæ:

Almam quam elegerat

Genitricem verè,

Nulli prorsus sinens

Culpæ subiacere. Amen.

☩. Ego in altissimis habito.

ñ. Et thronus meus in colum-
na nubis.

☩. Domina protege orationem,
&c.

Oremus. Sancta Maria, &c. pag.
93.

☩. Domina protege orationem,
&c.

☩. Benedicamus Domino.

ñ. Deo gratias.

☩. Fidelium animæ, &c.

AD SEXTAM.

☩. Domina in adiutorium
meum intende. *ñ.* Me de manu
hostium potenter defende.

Gloria Patri, &c.

HYMNUS.

Salve Virgo puerpera,

Templum Trinitatis,
 Angelorum gaudium,
 Cella puritatis;
 Solamen mœrentium,
 Hortus voluptatis,
 Palma patientiæ,
 Cedrus castitatis.
 Terra es benedicta,
 Et Sacerdotalis;
 Sancta & immunis,
 Culpa originalis,
 Civitas Altissimi,
 Porta Orientalis,
 In te est omnis gratiæ,
 Virgo singularis. Amen.

ÿ. Sicut liliū inter spinas.

ñ. Sic amica mea inter filias

Adæ.

ÿ. Domina protege orationem, &c.

Oremus. Sancta Maria, &c. pag. 93.

AD NONAM.

ÿ. Domina in adiutorium meum

intende. ñ. Me de manu hostium
potenter defende.

Gloria Patri, &c.

HYMNUS.

Salve urbs refugii,
 Turrisque munita,
 Davit propugnaculis
 Armisque insignita,
 In Conceptione
 Charitate ignita;
 Draconis potestas
 Est a te contrita.

O mulier fortis,
 Et invicta Judith,
 Pulchra Abigail Virgo
 Verum fovens David,
 Rachel curatorem
 Ægypti gestavit;
 Salvatorem mundi
 Maria portavit. Amen.

ÿ. Tota pulchra es, amica mea.

ñ. Et macula originalis numquam fuit in te.

ŷ. Domina protege orationem, &c.

Oremus. Sancta Maria, &c. pag. 93.

AD VESPERAS.

ŷ. Domina in adiutorium meum intende. *ñ.* Me de manu hostium potenter defende. Gloria Patri, &c.

HYMNUS.

Salve horologium
 Quo retrograditur
 Sol in decem lineis:
 Verbum incarnatur,
 Homo ut ab inferis
 Ad summa attollatur,
 Immensus ab Angelis
 Paulò minoratur.
 Solis hujus radiis,
 Maria coruscat;
 Consurgens Aurora
 In conceptu micat,
 Liliùm inter spinas,
 Quæ serpentis conterat

Caput, pulchra ut Luna,
 Errantes collustrat. Amen.

ŷ. Ego feci in coelis ut oriretur lumen indeficiens.

ñ. Et quasi nebula texi omnem terram.

ŷ. Domina protege orationem meam.

ñ. Et clamor meus ad te veniat.

Oremus. Sancta Maria, &c. pag. 93.

AD COMPLETORIUM.

Convertat nos Dominus, tuis precibus placatus Jesus Christus Filius tuus.

ñ. Et divertat iram suam à nobis.

ŷ. Domina in adiutorium meum intende *ñ.* Me de manu hostium potenter defende.

Gloria Patri, &c.

HYMNUS.

Salve Virgo florens,
 Mater illibata,

Regina clementiæ,
 Stellis coronata,
 Super omnes Angelos
 Pura immaculata,
 Atque ad Regis dexteram
 Stans veste deaurata.

Per te Mater gratiæ,
 Dulcis spes reorum,
 Fulgens stella maris,
 Portus Naufragorum,
 Patens cœli janua,
 Salus infirmorum,
 Videamus Regem
 In aula Sanctorum. Amen.

ÿ. Oleum effusum Maria no-
 mentuum. R. Servi tui dilexerunt
 te nimis.

ÿ. Domina protege orationem
 meam.

R. Et clamor meus ad te veniat.

Oremus. Sancta Maria &c. pag. 93.

COMMENDATIO.

Supplices offerimus
 Tibi Virgo pia

Hæc laudum præconia,
 Fac nos, ut in via
 Ducas cursu prospero,
 Et in agonia,
 Tu nobis assiste,
 O dulcis Maria. Amen.

Ant. Hæc est Virgo, in qua nec
 macula originalis, nec cortex ac-
 tualis culpæ fuit.

ÿ. In conceptione tua, Virgo,
 immaculata fuisti.

R. Ora pro nobis Patrem, cu-
 jus Filium peperisti.

OREMUS.

Deus, qui per Immaculatam
 Virginis conceptionem dignum
 Filio tuo habitaculum præparasti:
 quæsumus, ut qui ex morte ejus-
 dem filii sui prævisa, eam ob
 omni labe præservasti, ita nos
 quoque mundos ejus intercessione
 ad te pervenire concedas. Per
 Dominum nostrum. R. Amen.

OFFICIUM

SACRATISSIMI CORDIS

JESU.

AD MATUTINUM.

Ÿ. Cor Jesu flagrans amore
mei, inflamma cor meum amore
tui. r̄. Amen.

Ÿ. Domine labia mea aperies.
r̄. Et os meum annuntiabit
laudem tuam.

Ÿ. Deus in adiutorium meum
intende.

r̄. Domine ad adjuvandum me
festina.

Ÿ. Gloria Patri, et Filio, et
Spiritui Santo.

r̄. Sicut erat in principio, et

nunc, et semper, et in sæcula sæ-
culorum. Amen. Alleluja.

Post septuagesima: *Laus tibi
Domine Rex æternæ gloriæ.*

HYMNUS.

Cœlestis aulæ gloria,
Qui sede lapsus ætheris,
Cœli triumphos deseris,
Ut nostra fias hostia.

Jesu voluptas cordium
Cor ure sacris ignibus,
Dignis ut orem laudibus
Cordis tui præconium.

Jesu Patris cor unicum
Puris amicis mentibus,
Puris amandum cordibus
In corde regnes omnium.

Antiph. O sacrum cor Jesu, Pa-
tris voluntati obsequentissimum,
inclina ad te corda nostra, ut quæ
placita sunt ei faciamus semper.

Ÿ. Paratum cor meum, Deus
cordis mei, ut faciam voluntatem
tuam. r̄. Deus meus volui, et le-

gem tuam in medio cordis tui.

OREMUS.

Respice quæsumus misericordiosissime Deus in cor dilectissimi filii tui, in quo tibi benè complacuisti: ejusquè sacratissimi cordis mœroribus, quos nostri causa pertulit, placatus, concede corde contrito petentibus nostrorum nobis veniam peccatorum: et tanto Christi amore cor nostrum accende, ut ipsius divini cordis affectibus toti incensi secundum cor tuum inveniri mereamur. Per eundem Dominum.

AD PRIMAM.

ÿ. Cor Jesu flagrans amore meij, inflamma cor meum amore tui. R. Amen.

ÿ. Deus in adjutorium etc.

R. Dñe. ad adjuvandum etc.

ÿ. Gloria Patri etc.

R. Sicut erat etc.

HYMNUS.

O Cor amoris victima
Cœli perenne gaudium,
Mortalium solatium,
Mortalium spes ultima.

Tu Trinitatis gloria,
Jungit tibi se Filius,
In te quiescit Spiritus,
In te Patris sunt gaudia.

Jesu, Patris Cor unicum,
Puris amicum mentibus,
Puris amandum cordibus,
In corde regnes omnium.

Antiph. O sacrum cor Jesu salutis nostræ sitientissimum: revoca nos prævaricatores ad cor, ut non moriamur in peccatis nostris.

ÿ. Paratum cor meum Deus etc. R. Deus meus volui etc.

Oremus. Respice quæsumus misericordiosissime Domine etc. pag. 106.

AD TERTIAM.

ÿ. Cor Jesu flagrans amore

mei, inflamma meum amore tui.

R. Amen.

Ÿ. Deus in adiutorium meum
etc. R. Domine ect.

R. Gloria Patri, et Filio etc.

HYMNUS.

Te sole puro purius
Verbi Dei sacrarium
Verbi Dei palatium,
Templumquè Cœlo dignius.

Tu digna sedes numine
Fœcunda virtus flaminis
Illapsa in alvum Virginis
Puro creavit sanguine.

Jesu Patris cor unicum
Puris amicum mentibus,
Puris amandum cordibus
In corde regnes omnium.

Antiph. O sacrum Cor Jesu pu-
ritatis exemplum perfectissimum,
fac nos esse mundos corde ut se-
cundum cor tuum inveniri merea-
mur.

Ÿ. Paratum cor meum etc.

R. Deus cordis mei etc.

Oremus. Respice quæsumus mise-
ricordiosissime etc. pag. 106.

AD SEXTAM.

Ÿ. Cor Jesu flagrans amore
mei, inflamma cor meum amore
tui. R. Amen.

Ÿ. Deus in adiutorium etc.

R. Dñe. ad adjuvandum etc.

Ÿ. Gloria Patri etc.

HYMNUS.

Cor dulce, cor amabile,
Amore nostri languidum,
Amore nostri saucium
Fac sis mihi placabile.

Vindex reis irascitur
Deus, sed ut te respicit,
Placatus iras abjicit,
Et fulmen obliviscitur.

Jesu, Patris cor unicum,
Puris amicum mentibus,
Puris amandum cordibus

In corde regnes omnium.

Antiph. O sacrum Cor Jesu,
hostibus tuis mitissimum, exultet
pax tua in corde nostro, ut per-
sequentibus, et calumniantibus
nos remittamus de cordibus nos-
tris.

Ÿ. Paratum cor meum etc.

℞. Deus meus volui etc.

Oremus. Respice quæsumus mise-
ricordiosissime Deus etc. pag. 106.

AD NONAM.

Ÿ. Cor Jesu flagrans amore
mei, inflamma meum amore tui.

℞. Amen.

Ÿ. Deus in adjutorium meum
intende.

℞. Dñe. ad adjuvandum etc.

Ÿ. Gloria Patri etc.

℞. Sicut erat etc.

HYMNUS.

Grandi reclusum vulnere

Amor dedit te pervium,
Amor reclusit ostium,
Hortatur et pervadere.

Quos abluisti sanguine
Venis apertis omnibus,
Nos intimis recersibus
Semel receptos contine.

Jesu Patris cor unicum,
Puris amicum mentibus,
Puris amandum cordibus
In corde regnes omnium.

Antiph. O sacrum cor Jesu amo-
ris patientissimum, da nobis cor
contritum, et humiliatum, ut
fructus dignos pœnitentiæ facia-
mus.

Ÿ. Paratum cor meum etc.

℞. Deus meus volui &c.

Oremus. Respice quæsumus mise-
ricordiosissime Deus etc. pag.
106.

AD VESPERAS.

Ÿ. Cor Jesu flagrans amore

mei, inflamma meum amore tui.

℞. Amen.

ŷ. Deus in adiutorium etc.

℞. Dñe ad adjuvandum etc.

ŷ. Gloria Patri etc.

℞. Sicut erat etc.

HYMNUS.

Novo Deus mysterio
Carnem suam dat pabulum,
Et sanguinem dat poculum
Mirabili convivio.

Quem proni adorant Angeli,
Hic temperato numine
Sub mistico velamine
Fit esca vilis servuli.

Jesu Patris cor unicum,
Puris amicum mentibus,
Puris amandum cordibus
In corde regnes omnium.

Antiph. O sacrum Cor Jesu,
paupertatis amantissimum, pone
nos ut signaculum super te: ut in
te unico thesauro nostro, totum
sit cor nostrum.

ŷ. Paratum cor meum Deus &c.

℞. Deus meus volui etc.

Oremus. Respice quæsumus misericordiosissime Deus etc. pag. 106.

AD COMPLETORIUM.

ŷ. Cor Jesu flagrans amore
mei, inflamma meum amore tui.

℞. Amen.

ŷ. Deus in adiutorium meum
etc.

℞. Domine ad adjuvandum
me festina etc.

ŷ. Gloria Patri etc.

℞. Sicut erat in principio etc.

HYMNUS.

Cor Matris ad cor filii

Amoris ardens impetu
Indesinente anhelitu
Suspirat oblitum sui.

Utrumque amoris vinculum
Conjungit arctis nexibus:
Hoc ardet hujus ignibus
Ignemquæ reddit æmulum.

Antiph. O sacrum cor Jesu
amantibus te beneficentissimum,
deficiat in te caro nostra, et cor
nostrum, ut sis Deus cordis no-
stri, et pars nostra, Deus in æter-
num.

ψ. Paratum Cor meum etc.

℣. Deus meus volui etc.

Oremus. Respice quæsumus mi-
sericordiosissime Deus etc. *pag.*
106.

OFFICIUM

DULCISSIMI, AC MELLIFLUI

CORDIS

B. V. MARIAE.

AD MATUTINUM.

ψ. Cor Mariæ immaculatum,

℣. Amore Jesu, quo ardes,

inflamma cor nostrum.

ψ. Domine labia mea aperies.

℣. Et os meum annuntiabit lau-
dem tuam.

ψ. Deus in adjutorium meum
intende.

℣. Domine ad adjuvandum
me festina.

ψ. Gloria Patri, et Filio et
Spiritui Sancto.

℣. Sicut erat &c.

HYMNUS.

Jesu, Mariæ gloria,
Miranda Cordis Virginis
Cor intonat præconia
Nostris adesto canticis.

Quid Corde Matris Virginis
Cani potest suavius?

Quid Corde Matris Virginis
Cani potest augustius?

Per Cor Matris purissimum,
Templum Dei dignissimum,
Jesu tibi sit gloria,

In sempiterna sæcula. Amen.

Antiph. Ego diligentes me diligō: et, qui mane vigilant ad me, inveniunt me. Mecum sunt divitiæ, et gloria, opes superbæ, et justitia, ut ditem diligentes me, et thesauros eorum repleam.

Ÿ. Cor Mariæ, amore Jesu ardentissimum.

℞. Amore, quo ardes, accende cor nostrum.

Oratio. Clementissime Deus, qui ad peccatorum salutem, et miserorum perfugium, Cor immaculatum Mariæ divino Cordi Filii ejus Jesu Christi charitate, et misericordiasimillimum esse voluisti; concede, ut qui hujus dulcissimi, et amantissimi Cordis memoriam agimus, ejus intercessione, ac meritis, secundum Cor Jesu inveniri mereamur. Per eundem Dominum nostrum Jesum Christum filium tuum, qui tecum vivit, et

regnat in sæcula sæculorum. Amen.

AD PRIMAM.

Ÿ. Cor Mariæ immaculatum.

℞. Amore Jesu, quo ardes, inflamma cor nostrum.

Ÿ. Deus in adjutorium, etc.

HYMNUS.

Cor labis expers patriæ,

Cor labis expers propriæ,

Fons puritatis integræ,

Omnisque sedes gratiæ.

Te candidata lilia,

Nardus, rosæque fulciant,

Te mala Cœli dulciter

Amore languens ambiunt.

Per Cor Matris purissimum,

Templum Dei dignissimum,

Jesu tibi sit gloria,

In sempiterna sæcula. Amen.

Antiph. Beatus homo, qui audit me, et qui vigilat ad fores meas quotidie, et observat ad pos-

tes ostii mei, qui me invenerit,
inveniet vitam, et hauriet salutem
à Domino.

ÿ. Cor Mariæ doloris gladio
transfixum.

ñ. Divino dolore tuo transige
cor nostrum.

Oratio. Clementissime Deus,
etc. pag. 116.

AD TERTIAM.

ÿ. Cor Mariæ immaculatum,

ñ. Amore Jesu, quo ardes,
inflamma cor nostrum.

ÿ. Deus in adjutorium, etc.

ñ. Domine ad adjuvandum,
etc.

HYMNUS.

Cor, Aula Regum principis,

Dignum Dei sacrarium,

Arca superni fœderis

Altare pacis aureum.

Tu fons perennis gratiæ,

Spes, et salus clientibus,

Tu sinus indulgentiæ,

Portusque naufragantibus.

Per Cor Matris purissimum,

Templum Dei dignissimum,

Jesu tibi sit gloria,

In sempiterna sæcula. Amen.

Antiph. Transite ad me omnes,
qui concupiscitis me; et à gene-
rationibus meis implemini. Spiri-
tus meus super mel dulcis, et hæ-
reditas mea super mel, et favum.

ÿ. Cor Mariæ dulcissimum,

ñ. Divina dulcedine tua per-
funde cor nostrum.

Oratio. Clementissime Deus,
etc. pag. 116.

AD SEXTAM.

ÿ. Cor Mariæ immaculatum,

ñ. Amore Jesu, quo ardes,
inflamma cor nostrum.

ÿ. Deus in adjutorium, etc.

HYMNUS.

Cor melle dulci dulcius,
 Cœleste manna proferens,
 Cor sole puro purius,
 Incomprehensa continens.

Tu sanctitatis formula,
 Vitæ Dei compendium,
 Cordis fidelis regula,
 Jesu cubile floridum.

Per Cor Matris purissimum,
 Templum Dei dignissimum,
 Jesu tibi sit gloria,
 In sempiterna sæcula. Amen.

Antiph. Qui audit me non confundetur, et qui operantur in me, non peccabunt: qui elucidant me, vitam æternam habebunt.

ÿ. Cor Mariæ purissimum, humillimum, mitissimum.

℞. Corda nostra purissima, humillima, mitissima redde.

Oratio. Clementissime Deus, etc. pag. 116.

AD NONAM.

ÿ. Cor Mariæ immaculatum.
 ℞. Amore Jesu, quo ardes,
 inflamma cor nostrum.
 ÿ. Deus in adjutorium, etc.

HYMNUS.

Cor Matris ardentissimum,
 Jucunda spes mortalium,
 Pax nostra, vita, gaudium,
 Dulcedo, lux, solatium.

Sydus micans amantium,
 Sol esto, duxque mentium,
 Fornax amoris, omnium
 Accende flammæ cordium.

Per Cor Matris purissimum,
 Templum Dei dignissimum,
 Jesu tibi sit gloria,
 In sempiterna sæcula. Amen.

Antiph. Pone me, ut signaculum, super Cor tuum, ut signaculum super brachium tuum, quia fortis est ut mors dilectio.

ŷ. Cor Mariæ pro peccatis
nostris afflictissimum.

᝚. Divina afflictione tua trans-
fige cor nostrum.

Oratio. Clementissime Deus,
etc. pag. 116.

AD VESPERAS.

ŷ. Cor Mariæ immaculatum.

᝚. Amore Jesu, quo ardes
inflamma cor nostrum.

ŷ. Deus in adjutorium, &c.

HYMNUS.

Quam sancta Matris viscera!

Quam sancta sunt et ubera!

Regale sed Cor omnibus

Miraculis præstantius.

Ave Cor admirabile,

Thesaurus orbis, omnia

Collata nobis cælitus

Servans Dei mysteria.

Per Cor Matris purissimum,

Templum Dei dignissimum,

Jesu tibi sit gloria,
In sempiterna sæcula. Amen.

Antiph. O Maria Mater ama-
bilis, beatam te dicent omnes ge-
nerationes; quia respexit Deus
humilitatem Cordis tui, et inve-
nit ipsum secundum Cor suum.

ŷ. Cor Mariæ Cordi Jesu simil-
limum,

᝚. Fac cor nostrum sicut Cor
Jesu.

Oratio. Clementissime Deus,
etc. pag. 116.

AD COMPLETORIUM.

ŷ. Cor Mariæ immaculatum.

᝚. Amore Jesu, quo ardes,
inflamma cor nostrum.

ŷ. Deus in adjutorium, etc.

᝚. Domine ad adjuvandum,
etc.

Gloria Patri, etc.

HYMNUS.

Dei Parentis optimæ

Cor, oh, precamur, impetres,
Quo tu flagrasti maxime,
Nostris amorem cordibus.

Hoc fontis Evæ filios
Nunc, Virgo, Corde protege;
Hoc et tuos jam filios
Mortis sub horam suscipe.

Per Cor Matris purissimum,
Templum Dei dignissimum,
Jesu tibi sit gloria,
In sempiterna sæcula. Amen.

Antiph. O Mater admirabilis,
magnificent te omnes gentes, et
virtutes fidelissimi Cordis tui lau-
dent in æternum omnes populi.

Ÿ. Cor Mariæ virtutum om-
nium exemplar,

℞. Cordibus nostris virtutum
omnium amorem infunde.

Oratio. Clementissime Deus,
etc. pag. 116.

OFFICIUM

S. PATRIARCHÆ JOSEPHI,

Sponsi. B. M. V.

AD MATUTINUM.

JESUS, MARIA, JOSEPH,
sint benedicti in æternum.

Ÿ. Domine labia mea aperies.

℞. Et os meum annuntiabit
laudem tuam.

Ÿ. Deus in adjutorium meum
intende.

℞. Domine ad adjuvandum me
festina. Gloria Patri etc. Sicut
erat, etc.

HYMNUS.

Joseph stirpe regia, de Davide

natus, Virgini Deiparæ Sanctæ desponsatus. Jesu Christi Domini Pater nuncupatus, Custos Matri cœlitus, Filiusque datus.

Antiph. Salve Patriarcharum Decus, Ecclesiæ Sanctæ Lumen, S. Joseph fidelis et prudens Serve, quem constituit Dominus super Familiam suam, super Filium et Matrem Dei, Jesum et Mariam.

Ÿ. Ora pro nobis S. Joseph.

℞. Ut digni efficiamur promissionibus Christi,

Oremus. Sanctissimæ Genitricis tuæ Sponsi, quæsumus Domine, meritis adjuvemur; ut quod possibilitas nostra non obtinet, ejus nobis intercessione donetur.

Qui vivis et regnas cum Deo Patre, in unitate Spiritus Sancti Deus, per omnia sæcula sæculorum. Amen.

AD PRIMAM.

JESUS, MARIA, JOSEPH,
sint benedicti in æternum.

Ÿ. Deus in adjutorium etc.

℞. Domine ad adjuvandum etc.

Gloria Patri et Filio etc.

HYMNUS.

Cum prænantem Conjugem,
anxius videres; et an illam deseras,
dubius hæreris, Angelus te
monuit, nihil ut timeres, gravidamque
cœlitus Sponsam retineres.

Antiph. Salve Patriarcharum etc.

Ÿ. Ora pro nobis etc.

Oremus. Sanctissime Genitr. etc.

AD TERTIAM.

JESUS, MARIA, JOSEPH,
sint benedicti in æternum.

Ÿ. Deus in adjutorium etc.

℞. Domine ad adjuvandum etc.

Ÿ. Gloria Patri etc.

℞. Sicut erat etc.

HYMNUS.

Iveras in Bethlehem, censum soluturus, cum prægnante Virgine, ubi nasciturus verus Dei Filius, quem adoraturus eras in præsepio et amplexaturus.

Antiph. Salve Patriarcharum etc.

Ÿ. Ora pro nobis etc.

Oremus. Sanctissimæ Genitr. etc.

AD SEXTAM.

JESUS, MARIA, JOSEPH,
sint benedicti in æternum.

Ÿ. Deus in adjutorium etc.

℞. Domine ad adjuvandum etc.

Ÿ. Gloria Patri etc.

℞. Sicut erat, etc.

HYMNUS.

Cum Herodes impius Parvulos necaret, tibi Cæli Nuncius in somnis apparet, monens, ut cum Pue-

ro, Mater quem lactaret, in Ægyptum fugias, dum te revocaret.

Antiph. Salve Patriarcharum etc.

Ÿ. Ora pro nobis etc.

Oremus. Sanctissimæ Genitr. etc.

AD NONAM.

JESUS, MARIA, JOSEPH,
sint benedicti in æternum.

Ÿ. Deus in adjutorium etc.

℞. Domine ad adjuvandum etc.

Ÿ. Gloria Patri etc.

℞. Sicut erat etc.

HYMNUS.

Hostibus demortuis, inde recessisti; revocante Angelo, lætus rediisti, Matrem atque Filium tecum reduxisti, cum illis in Nazareth humilis vixisti.

Antiph. Salve Patriarcharum etc.

Ÿ. Ora pro nobis etc.

Oremus. Sanctissimæ Genitr. etc.

AD VESPERAS.

JESUS, MARIA, JOSEPH,

sint benedicti in æternum.

ŷ. Deus in adjutorium etc.

R. Domine ad adjuvandum etc.

ŷ. Gloria Patri etc.

R. Sicut erat etc.

HYMNUS.

Duodennem Jesum dolens perdidisti? et cum mœsta Conjuge mœstus quæsivisti, in Templo post triduum illum reperisti? o quàm magnis gaudiis plenus tunc fuisti!

Antiph. Salve Patriarcharum etc.

R. Ora pro nobis etc.

Oremus. Sanctissimæ Genitr. etc.

AD COMPLETORIUM.

JESUS, MARIA, JOSEPH,

sint benedicti in æternum.

ŷ. Convertete nos Deus salutaris noster.

R. Et averte iram tuam à nobis.

ŷ. Deus in adjutorium, etc.

R. Domine ad adjuvandum etc.

ŷ. Gloria Patri etc.

R. Sicut erat etc.

HYMNUS.

O Te felicissimum, quem in agonia præsens consolatus est Jesus et Maria, dum efflares animam, et directa via tenderes ad Abraham, functus vita pia.

Antiph. Salve Patriarcharum etc.

ŷ. Ora pro nobis etc.

Oremus. Sanctissimæ Genitr. etc.

Commendatio. Sancte Joseph, optime Pater et Patrone, dietas preces suscipe cum devotione; et ab omni protege nos tentatione; adsis nobis maximè mortis in agone. Amen.

OFFICIUM

S. ANGELI CUSTODIS.



AD MATUTINUM.

Angele Sancte Dei, qui custos es mei; ora pro me, custodi et defende me hodie, et semper, et in hora mortis meae, Amen.

Ÿ. Domine labia mea aperies.

℞. Et os meum annuntiabit laudem tuam.

Ÿ. Deus in adiutorium etc.

℞. Gloria Patri etc.

HYMNUS.

Novo lucis exordio, o custos mi dulcissime; cæcam mentis caliginem tuo splendore discute: et

me divina monita benignus semper edoce.

Antiph. Angele mi Sancte Custos, defende me in prelio, ut non percam in tremendo iudicio. Adsis mihi semper, et ab omni malo custodi me.

Ÿ. Angelis suis Deus mandavit de te.

℞. Ut custodiant te in omnibus viis tuis.

Oremus. Deus, qui ineffabili Providentia Sanctos Angelos tuos ad nostram custodiam mittere dignaris: largire supplicibus tuis, et eorum semper protectione defendi, et æterna societate gaudere. Per Dominum nostrum etc.

AD PRIMAM.

Angele Sancte Dei etc.

Ÿ. Deus in adiutorium etc.

Ÿ. Gloria Patri etc.

HYMNUS.

Meas preces, et lacrymas fidus
 è Cælo Nuncius, quamvis indignas,
 excipe, et Summo Patri tradito;
 culpisque meis debitas simplex
 pœnas avertito.

Antiph. Angele mi etc.

ÿ. Angelis suis etc.

Oremus. Deus, qui etc.

AD TERTIAM.

Angele Sancte Dei etc.

ÿ. Deus in adjutorium etc.

ÿ. Gloria Patri etc.

HYMNUS.

Afflictum clementissime favore
 tuo recrea, ad virtutis officia semisopitum
 excita; cum sancto mens in opere nutarit,
 promptus adjuva.

Antiph. Angele mi etc.

ÿ. Angelis suis etc.

Oremus. Deus qui etc.

AD SEXTAM.

Angele Sancte Dei etc.

ÿ. Deus in adjutorium etc.

ÿ. Gloria Patri etc.

HYMNUS.

Dissolve mentis glaciem, frange
 cordis duritiem, peccati oppressum
 onere, præsentem manu suble-
 va. A Cœli errantem semita, ab
 Cœli viam revoca.

Antiph. Angele mi etc.

ÿ. Angelis suis etc.

Oremus. Deus, qui etc.

AD NONAM.

Angele Sancte Dei etc.

ÿ. Deus in adjutorium etc.

ÿ. Gloria Patri etc.

HYMNUS.

Invicta tua dextera confunde vires Dæmonis; Carnis retunde fomitem, mundi frange superbiam: ut tuo sub præsidio victor ab hoste redeam.

Antiph. Angele mi etc.

ÿ. Angelis suis etc.

Oremus. Deus, qui etc.

AD VESPERAS.

Angele Sancte Dei etc.

ÿ. Deus in adjutorium etc.

ÿ. Gloria Patri etc.

HYMNUS,

Flagello pigrum excita, et reluctantem increpa; vitæ labentis terminum in mentem sæpe revoca, in vitæ brevi spatio solertiorum facito.

Antiph. Angele mi etc.

ÿ. Angelis suis etc.

Oremus. Deus, qui etc.

AD COMPLETORIUM.

Angele Sancte Dei etc.

ÿ. Convertete nos Deus salutaris noster.

℞. Et averte iram tuam à nobis.

ÿ. Deus in adjutorium etc.

℞. Gloria Patri etc.

HYMNUS.

In pugna mortis ultima adsis mihi fortissime; peracta demum fragili vita, Ductor amabilis, me protinus æthereis infer benignè sedibus.

Antiph. Angele mi etc.

ÿ. Angelis suis etc.

Oremus. Deus, qui etc.

Commendatio. Has horas Angelicas, tui ratione dixi, Custos Angelice, cum devotione: rogo, me custodias in tentatione, ac præsertim ultimo mortis in agone. Amen.

OFFICIUM

DE S. JOANNE NEPOMUCENO.

Sanctus, Sanctus, Sanctus, Dominus
Deus Sabaoth, pleni sunt coeli et terra
gloria tua.

AD MATUTINUM.

ŷ. Domine labia mea aperies.
ñ. Et os meum annuntiabit laudem
tuam.

ŷ. Deus in adiutorium meum intende.
ñ. Domine ad adjuvandum me festina.
Gloria Patri et Filio, et Spiritui Sancto etc.

Hymnus. Salve Sidus Bohemorum!

Tuæ gemma Patriæ,
Animæque arcanorum
Custos integerrime,

Ut te digne invocare
Lingua mea valeam,
Velis, oro, commodare
Tuam labis nesciam.

Aequa Patri, Filioque
Laus, et adoratio,
Procedenti ab utroque
Compar sit laudatio.

ŷ. Domine ne elongaveris auxilium
tuum à me.

ñ. Ad defensionem meam conspice.

Oremus. Deus, cui soli debetur omnis
honor et gloria, per gloriosa merita S.
Martyris tui Joannis Nepomuceni te
suppliciter exoro, ut omnem infamiam et
confusionem publicam, undecunque mihi
impendentem, misericorditer avertere
digneris: et concedere, sic uti honore
temporali, ut aeternam confusionem eva-
dere, et in coelesti gloria merear collocari.
Per Dominum nostrum Jesum Christum
Filium tuum, qui ab aeterna confusione,
ignominiosa morte Crucis, nos redemit, et
nunc tecum vivit et regnat Deus in saecula
saeculorum. Amen.

AD PRIMAM.

ŷ. Deus in adiutorium meum inten-
de, etc.

Gloria Patri, et Filio etc.

Hymnus. Ut Praecursor Christi, natus
Trono prolis sterili;
Et quod mundo sis donatus,
Debes Matri Virgini.

Indicavit tantam prolem
Jubar lucidissimum.
Da, virtutum luce probem
Me Mariae filium.

Aequa Patri Filioque
Laus, et adoratio,

Procedenti ab utroque
Compar sit laudatio.

ψ. Ad te Domine levavi animam meam,
ψ. Deus meus in te confido, non erubescam.

Oremus. Deus, cui soli debetur etc.
pag. 139.

AD TERTIAM

ψ. Deus in adiutorium meum intende, etc.

Gloria Patri, et Filio, etc.

Hymnus. O quam sancta Juyentutis
Prima erant studia!
Quam preclara tum Virtutis
Dabas jam praeludia!

Nummi inauguratus
Vix Sacerdos fueras,
Quantus zelus! quis conatus
Convertendi animas!

Aequa Patri, Filioque
Laus, et adoratio,

Procedenti ab utroque

Compar sit laudatio.

ψ. Custodi animam meam, et erue me.
R. Non erubescam, quoniam speravi
in te.

Oremus. Deus, cui soli etc. pag. 139.

AD SEXTAM.

ψ. Deus in adiutorium meum intende, etc.

Gloria Patri et Filio. etc.

Hymnus. Ut Joannes, totus amor,
Totus eras gratia,
Ut Baptista, totus Terror,
Detonans in scelera.

Poenitentes te colebant,
Ut silentiarium
Pauperes in te habebant
Elemosynarium.

Aequa Patri, Filioque
Laus, et adoratio,
Procedenti ab utroque
Compar sit laudatio.

ψ. Suscipe me Domine secundum
eloquium tuum.

R. Et non confundas me ab expectatione mea.

Oremus. Deus, cui soli etc. pag. 139.

AD NONAM.

ψ. Deus in adiutorium meum intende, etc.

Gloria Patri, et Filio, etc.

Hymnus. Brevi sed persecutores
Sensit tanta Sanctitas;
Sensit Regios furiores
Tua taciurnitas.

Da, Patrone Peccatorum!
Pater Poenitentium!
Ne me perdat delictorum
Noxium silentium.

Aequa Patri, Filiòque
 Laus, et adoratio,
 Procedenti ab utroque
 Compar sit laudatio.

ŷ. In te Domine speravi, non confundar in aeternum.

℞. In iustitia tua libera me.

Oremus. Deus, cui soli etc. pag. 139.

AD VESPERAS.

ŷ. Deus in adiutorium meum intende, etc.

Gloria Patri, et Filio, etc.

Hymnus. Cum Baptista moriendo,
 Vitam das et sanguinem,
 Hunc loquendo, te Silendo
 Lingua fecit Martyrem.

Hic Herodem, tu Tyrannum

Wenceslaum senseras,
 Sed furorem tam insanum
 Vicit major sanctitas.

Aequa Patri, Filiòque

Laus, et adoratio,
 Procedenti ab utroque
 Compar sit laudatio.

ŷ. Intende animae meae, et libera eam.

℞. Propter inimicos meos eripe me.

Oremus. Deus qui soli etc. pag. 139.

AD COMPLETORIUM.

ŷ. Convertete nos Deus salutaris noster.

℞. Et averte iram tuam a nobis.

ŷ. Deus in adiutorium meum intende, etc.

Gloria Patri, et Filio, etc.

Hymnus. Frustra undis tumulavit,
 Tuam Rex memoriam;
 Coelum stellis indicavit
 Tam illustrem gloriam.

Nunc Patronus alienae
 Famae potens coleris;
 Lingua, quam id praestes bene,
 Incorrupta loqueris.

Aequa Patri, Filiòque
 Laus, et adoratio,
 Procedenti ab utroque
 Compar sit laudatio.

ŷ. Domine non confundar.

℞. Quoniam invocavi te.

Oremus. Deus, cui soli etc. pag. 139.

Commendatio. Suscipe, quas tibi laudes
 Lingua mea obtulit;
 Et confunde Linguae fraudes;
 Fac ne mihi noxae sit.

Da ut oculis divinis
 Vitae tenor placeat;
 Ut me felix vitae finis
 Coelo tandem inferat.

INDEX.

	PAG.
De Cultu B. V. Mariæ.	3
<i>Piissima erga Deigenitricem devotio</i>	
Pro Dominica.	13
Pro Feria II.	38
Pro Feria III.	47
Pro Feria IV.	55
Pro Feria V.	63
Pro Feria VI.	71
Pro Sabbato.	79
<i>Officia brevissima</i>	
Immaculatæ Conceptionis B. V. Mariæ.	92
Sacratissimi Cordis Jesu.	104
Dulcissimi Cordis B. V. Ma- riæ.	114
S. Patriarchæ Josephi.	125
S. Angeli Custodis.	132
S. Joannis Nepomuceni Mar- tyris.	138

AN
DE NUEV

00